



07543

文獻通考卷第三百二十四

鄱陽馬端臨

貴



四裔考一

東

通典總序曰覆載之內日月所臨華夏居土中生物

受氣正

李淳風云談天者八家其土家甘氏石氏渾天之類以度數推之則華夏居天地之中也

歷代史倭國一名日本在中國東扶桑復在倭國東

約去中國三萬里近日出處貞觀中骨利幹國獻馬

使云國在京師西北二萬餘里夜短晝長從天色暝

時煮羊足才熟而東方已曙蓋近日入處今厓州直

南水行便風十餘日到赤土國其日到五月亭午物

影卻在南一日三食飯皆旋炊不然遠巡過時即便

文獻通考

卷三百二十四

四裔

一

氏一家論天地日 人性而而才慧地產厚而類繁所

以誕生聖賢繼施法教隨時拯弊因物利用三五以

降代有其人君臣長幼之序立五常十倫之教備孝

慈生焉恩愛篤焉主威張而下安權不分而法一生

人大寶實在於斯

三代以前列國更相征伐未嘗暫寧陪臣制諸侯諸侯陵天子人斃

鋒鏑月秣歲殲秦氏罷侯置守兩漢及隋唐戶口皆

多於周室之前矣夫天生蒸民而樹君司牧語治者

而安為本也 昔賢曰失道而後德失德而後仁失仁

而後義失義而後亂誠謂削厚為薄散淳為澆又曰

古者人至老死不相往來不交不爭自求自足蓋疾

時澆巧美往昔敦淳也然人之常情非今是古其樸

質事少固信固可美而鄙風弊俗或亦有之緬惟古之中華類多今之夷狄有居處巢穴焉

上古中華亦穴居野處後

代聖人易之以宮室今豕韋國及黔中羈縻東諸夷及附國皆巢居穴處諸夷狄處巢穴者非少略舉一

二有葬無封樹焉上古中華之葬衣之以薪葬中野今棘鞞國父母死棄之中野以哺詔流求國死無棺椁草裏屍以親土而葬上不起墳諸夷狄殯葬或以火焚或棄水中潭衡州蠻人取死者骨小函于盛直山岳石間大抵習俗既殊其法各異不可編舉

有手團食焉殷周之時中華人尚以手團食故禮記云共飯不澤手蓋弊俗漸改仍未盡耳

今五領以南民有祭立尸焉三代以前中華人祭必立尸自秦漢則廢案後

魏文成帝拓跋濬時高允獻書云祭尸久廢今風俗父母亡歿取其狀貌類者以爲尸而祭焉宴好如夫妻事之如父母敗損風化蹶亂情禮又周隋蠻夷傳

巴梁間風俗每春秋祭祀鄉里有美鬢面人送迎爲

### 文獻通考

卷一百一十五

四裔

二

尸以祭之今都道州人每祭祀迎同姓丈夫婦人伴神以享亦爲尸之遺法聊陳一二不

能偏舉夏商以前臣不諱君名子不諱父名自有周方諱耳今夷狄則皆無諱如此之類甚衆不可殫

論其地偏其氣梗不生聖哲莫革舊風訓誥之所

不可禮義之所不及外而不內疏而不戚來則禦之

去則備之前代達識之士亦已言之詳矣歷代觀兵

黷武討伐戎夷爰自嬴秦禍患代有始皇恃百勝之

兵威既平六國終以事胡爲弊漢武資文景之積蓄

務恢封略天下危若綴旒王莽獲元始之全實志滅

匈奴海內遂至潰叛隋煬帝承開皇之殷盛三駕遼

左萬姓怨苦而亡夫持盈固難知足非易唯後漢光

武深達理源建武三十年人康俗阜臧官馬武請殄  
匈奴帝報曰捨近而圖遠勞而無功捨遠而謀近逸  
而有終務廣地者荒務廣德者強有其者安貪人  
有者殘自是諸將莫敢復言兵事於戲持盈知足豈  
特治身之本亦乃治國之要歟

宋文元嘉中比西漢  
文景分命諸將經略

河南致拓跋瓜步之師因而國蹙身絀陳宣令主江  
明入安呂梁二十萬卒悉爲周師所虜由是力殫財  
竭旋爲隋氏削平是昏昧持盈不能知足故也

我國家開元天寶之際宇內

謐如邊將邀寵競圖勳伐西陲青海之戍東北天門

之師磧西阻邏之戰雲南渡瀘之役沒於異域數十

萬人

天寶中哥舒翰克吐蕃青海青海中有島置二  
萬人戍之旋爲吐蕃所攻翰不能救而全沒安

文獻通考

卷一百一十五

四裔

三

祿山討奚契丹於天門嶺十萬衆沒高仙芝伐石國  
於恒邏斯川七萬衆盡沒楊國忠討蠻閭羅鳳十餘  
萬衆全沒向無幽寇內侮天下四征未息離潰之勢其可  
量邪前事之元龜足爲殷鑑者矣

### 東夷總序

東夷 白虎通云夷者犇也言無禮儀或云夷者抵也言  
仁而好生萬物抵地而出故天性柔順易以道御

有九種曰跌夷方夷黃夷白夷赤夷元夷風夷陽夷千

夷率皆土著 通略嘉許利切 飲酒歌舞或冠弁衣錦器用

俎豆所謂中國失禮求之四夷者也 凡蠻夷戎狄總名  
曰夷者猶公侯伯

子男皆 號諸侯 昔堯命羲仲宅嵎夷曰暘谷蓋日之所出也夏

后氏大康失德夷人始叛其後知后發卽位賓於王門

獻其樂舞桀爲暴虐諸侯內侵商湯革命伐而定之至  
於仲丁藍夷作寇自是或服或叛三百餘年武乙衰弊

東夷浸盛遂分遷淮岱漸居中土周初封商太師國於

朝鮮太師爲周陳洪範其地今安東府之東悉爲東夷所據時管蔡畔周乃招誘

淮夷作亂周公征定之其後徐夷僭號穆王命楚滅之

徐偃王也至楚靈王會申亦來同盟後越遷琅琊遂陵暴諸

夏侵滅小國秦竝天下其淮泗夷皆散爲人戶其朝鮮

歷千餘年至漢高帝時滅武帝元狩中開其地置樂浪

等郡至後漢末爲公孫康所有魏晉又得其地其三韓

之地在海島之上朝鮮之東南百濟新羅魏晉以後分

文獻通考卷一百一十五 四裔四

三韓地新羅又在百濟之東南倭又在東南倭島和反隔越

大海夫餘在高麗之北挹婁之南其倭及夫餘自後漢

百濟新羅自魏歷代竝朝貢中國不絕而百濟唐顯慶

中蘇定方滅之高麗本朝鮮地漢武置縣屬樂浪郡時

甚微弱後漢以後累代皆受中國封爵所都平壤城則

故朝鮮國王險城也後魏周齊漸強盛隋文帝時寇盜

遼西漢王諒帥兵討之至遼水遭癘疫而返煬帝三度

親征初度遼水敗績再行次遼水會楊元感反奔退又

往將遼涿郡屬天下賊起及饑饉旋師貞觀中太宗又

親征度遼破之高宗總章初英國公李勣遂滅其國古

之肅慎宜卽魏時挹婁自周初貢楛矢石柝

楛音戶

至魏

常道鄉公末東晉元帝初及石季龍時始皆獻之後魏以後曰勿吉國今則曰靺鞨焉大抵東夷書文竝同華夏其閩越之地秦平天下以爲郡及秦亂其帥又自稱王於故地武帝元封初楊僕滅其國遷其人於江淮虛其地自後雖人庶復集遂爲郡縣矣

范曄論曰王制云東方曰夷夷者抵也言仁而好

生萬物抵地而出

事見風俗通

故天性柔順易以道御

至有君子不死之國焉山海經曰君子衣冠帶劍

食獸使二文虎在傍外國圖曰去琅琊三萬里山

文獻通考

卷一百一十五

四裔

五

海經曰不死人在交脛東其國人黑色壽不死竝

在東方昔箕子逢襄殷之運避地朝鮮始其國俗

未有聞也及施八條之約使人知禁遂乃邑無淫

盜門不夜扃

扃關也

回頭薄之俗就寬略之法行數

百千年故東夷通以柔謹爲風異乎三方者苟政

之所暢則道義存焉仲尼懷憤以爲九夷可居或

疑其陋子曰君子居之何陋之有亦徒有以焉爾

其後遂通接商賈漸交上國而燕人衛滿擾雜其

風

擾亂也

於是從而澆異焉老子曰法令滋彰盜賊

多有若箕子之省簡文條而用信義其得聖賢作

法之原矣

朝鮮

朝鮮 晉張華曰朝鮮者泉水洺水泚水三水合為洺水疑樂浪朝鮮取名於此也 昔武王封

殷太師箕子於其地箕子教以禮義田蠶又制八條之

教 前書曰其法相殺者以當時債殺相傷者以穀債相

萬音義曰八其人終不相盜無門戶之閉婦人貞信飲

食以籩豆其後四十餘代至戰國時朝鮮準亦僭稱王

始全燕時嘗略屬焉為置吏築障塞秦滅燕屬遼東外

徼 秦遼東郡唐安東府之東地 及秦亂燕齊趙人往避地者數萬口

漢興為其遠難守復修遼東故塞至泚水為界 泚傍拜反屬

文獻通考 卷一百一十五 四裔 六

燕王盧縮反入匈奴燕王衛滿亡命聚黨千餘人 魁杜回

反 結蠻夷服而東走出塞度泚水擊破朝鮮王準居秦

故空地上下障

魏略曰昔箕子之後朝鮮侯見周衰燕自尊為王欲

東略地朝鮮侯亦自稱為王欲興兵遂擊燕以尊周

室其大夫禮諫之乃止使禮西說燕燕止之不攻後

子孫稍驕虐燕乃遣將秦開攻其西方取地二千餘

里至滿潘汗為界朝鮮遂弱及秦并天下使蒙恬築

長城到遼東時朝鮮王否立畏秦襲之略服屬秦不

肯朝會否死箕子準立二十餘年而陳項起天下亂

燕齊趙民愁苦稍稍亡往準準乃置之於西方及漢  
以盧縮爲燕王朝鮮與燕界於淇水及縮反入匈奴  
燕人衛滿亡命爲胡服東渡淇水詣準降說準求居  
西界故中國亡命爲朝鮮藩屏準信寵之拜爲博士  
賜以圭封之百里令守西邊滿誘亡黨衆稍多乃詐  
遣人告準言漢兵十道至求入宿衛遂還攻準與滿  
戰不敵也

後稍役屬眞番朝鮮諸夷及故燕齊亡命者王之都王

險在淇水之東

會孝惠高后時天下初定遼東太守卽約滿

爲外臣保塞外以故滿得兵威財物侵降其旁小邑眞

文獻通考

卷一百一十五

四裔

七

番臨屯皆來服屬地方數千里傳子至孫右渠所誘漢  
亡人滋多初漢約朝鮮蠻夷君長欲入見天子勿得禁  
止以聞右渠旣未嘗入眞番辰國謂辰韓也欲上書見  
天子又雍闕弗通元封二年漢使涉何譙諭右渠終不  
肯奉詔使裨王長送何至淇水何刺殺之歸報曰殺朝  
鮮將上爲其名美弗詰拜何遼東東部都尉朝鮮怨發  
兵襲攻殺之漢遣樓船將軍楊僕從齊浮渤海兵五萬  
左將軍荀彘出遼東誅右渠發兵距險漢兵不利天子  
爲兩將未有功乃使衛山因兵威往諭右渠右渠見使  
者頓首謝願降恐將詐殺臣今見信節請服降遣太子

入謝獻馬五千匹及饋軍糧人衆萬餘持兵方渡沮水使者與左將軍疑其爲變謂太子已服降宜令人每持兵太子亦疑使者左將軍詐之遂不度沮水復引歸山報天子誅山會兵圍之右渠堅城守數月未能下朝鮮王乃私約降樓船兩將不相得兵久不決左將軍執樓船併其軍因急擊朝鮮王不肯降元封三年夏尼谿相參乃使人殺王右渠來降遂定朝鮮爲眞番臨屯樂浪元菟四郡

後悉爲東夷之地

昭帝時罷臨屯眞番以并樂浪元

菟自內屬以後風俗稍薄法禁亦浸多至於六十餘條

滅音穢

文獻通考

卷一百一十五

四裔

八

滅亦朝鮮之地南與辰韓北與高句麗沃沮接東窮大海西至樂浪漢武帝元朔元年滅君南閩等畔朝鮮率二十八萬口詣遼東內屬帝以其地爲蒼海郡數年乃罷至元封三年滅朝鮮分置四郡昭帝時并二郡入樂浪元菟復徙元菟居句麗自單大嶺以東沃沮滅貊并屬樂浪後以境土廣遠復分嶺東七縣置樂浪東部都尉光武建武六年省都尉官遂棄嶺東地悉封其渠帥爲縣侯皆歲時朝賀無大君長自漢以來其官有侯邑君三老統主下戶其耆舊自謂與高麗同種言語法俗大抵相類其人性謹愿少嗜慾有貳男女衣皆著曲領

男子繫銀花廣數寸以爲飾其俗重山川山川各有部分不得輒相干涉同姓不婚多所忌諱疾病死亡卽棄舊宅更作新居知種麻養蠶縣布曉侯星宿先知年歲豐約不以珠玉爲寶常用十月祭天晝夜飲酒歌舞名曰舞天又祭虎以爲神其邑落有侵犯者輒相罰責生口牛馬名之爲責禍少寇盜作矛長三丈或數人共持之能步戰樂浪檀弓出其地又多文豹有果下馬高三尺乘之可於果樹下行也其海出班魚皮漢時常獻之魏齊王正始六年不耐滅侯等舉邑降四時詣樂浪帶方二郡朝謁

並今東夷之地

有軍征賦調如中華人焉

文獻通考

卷一百一十五

四裔

九

馬韓

韓有三種一曰馬韓後漢時通焉二曰辰韓三曰弁辰馬韓在酉有五十四國其北與樂浪南與倭接辰韓在東十有二國其北與滅貊接弁辰在辰韓之內亦十有二國其南亦與倭接凡七十八國百濟是其一焉大者萬餘戶小者數千家各在山海間地合方四千餘里東西以海爲限皆古之辰國也馬韓最大共立其種爲辰王都曰支國盡王三韓之地其諸王先皆是馬韓種人焉馬韓人知田蠶作縣布出大栗如梨有長尾雞尾長五尺邑落雜居亦無城郭作土室形如冢開戶在上不

知跪拜無長幼男女之別不貴金寶錦繡不知騎乘牛

馬唯重纓珠以綴衣爲飾及縣頸垂耳大率皆魁頭露

髻魁頭猶科頭也謂以髮  
繫繞成科結也髻音計布袍草履其人壯勇少年有

築室作力者輒以繩貫脊皮縋以大木喚呼爲健常以

五月祭鬼神晝夜酒會羣聚歌舞舞輒數十人相隨踏

地爲節十月農功畢亦復如之諸國邑各以一人主祭

天神號爲天君又立蘇塗魏志曰諸國名有別邑爲蘇  
塗諸亡逃至其中皆不還之

蘇塗之義  
有似浮屠建大木以縣鈴鼓事鬼神其南界近倭亦有

文身者其國各有帥大者自名爲臣智其次爲邑借散

在山海間無城郭有愛襄國牟水國桑外國小石索國

文獻通考卷一百一十四四裔

大石索國優休牟涿國臣漬沽國伯齊國速盧不斯國

日華國古誕者國古離國怒藍國月支國治離牟盧國

素謂乾國古爰國莫盧國卑離國占離卑國占覺國支

侵國狗盧國卑彌國監奚卑離國古蒲國致利鞠國冉

路國兒林國駟盧國內卑離國感奚國萬盧國辟卑離

國舊斯烏旦國一離國不彌國友半國狗素國樓盧國

牟盧卑離國臣蘇塗國莫盧國古臘國臨素半國臣雲

新國如來卑離國楚山塗卑離國一難國狗奚國不雲

國不斯漬邪國爰池國乾馬國楚離國凡五十餘國大

國萬餘家小國數千家總十餘萬戶辰王治月支國臣

智或加優呼臣雲遣支報安邪踈支漬臣離兒不例拘邪秦支廉之號其官有魏率善邑君歸義侯中郎將都

尉伯長侯初朝鮮王準旣爲衛滿所攻奪將其左右官

人走入海攻馬韓破之自立爲韓王魏略曰其子友親留在國者因冒姓

韓氏準王海中不與朝鮮相往來其後絕滅今韓人猶有奉其祭祀者

準旣滅馬韓人復自立爲辰王建武二十年韓人廉斯

人蘇馬謚等詣樂浪貢獻光武封蘇馬謚爲漢廉斯邑

君使屬樂浪郡四時朝謁靈帝末韓滅竝盛郡縣不能

制百姓苦亂多流亡入韓者獻帝建安中公孫康分屯

有有鹽縣屯有有鹽竝漢遼東屬郡唐竝爲東夷地以南荒地爲帶方郡遣

文獻通考卷一百一十四 四裔 十一

公孫模張敞等收集遺民興兵伐韓滅舊民稍出是後

倭韓遂屬帶方魏景初中明帝密遣帶方太守劉昕樂

浪太守鮮于嗣越海定二郡諸韓國臣智加賜邑君印

綬其次爲邑長其俗好衣幘下戶詣郡朝謁皆假衣幘

自服印綬衣幘千有餘人部從事吳林以樂浪本統韓

國分割辰韓八國以與樂浪晉武帝太康元年二年其

王頻遣使入貢方物七年八年十年又頻至太熙元年

詣東夷校尉何龕上獻咸寧三年復來明年又請內附

其王來朝自後無聞三韓蓋爲百濟新羅所吞併又有

州胡在馬韓之西海中大島上其人差短小言語不與

韓同皆髡頭如鮮卑但衣韋衣有上無下略如裸勢養  
牛豕乘船來貨市韓中

### 辰韓

辰韓耆老自言秦之亡人避苦役來適韓國馬韓割其  
東界地與之有城柵其言語有類秦人由是或謂之爲  
秦韓其王常用馬韓人作之世世相繫襲辰韓不得自  
立爲王明其爲流移之人故也其名國爲邦弓爲弧賊  
爲寇行酒爲行觴相呼皆爲徒諸小邑各有渠帥大者  
名臣智次有險側次有樊穢次有殺奚次有邑借皆其  
官名土地肥美宜五穀知蠶桑作縑布乘駕牛馬嫁娶

文獻通考

卷一百一十五

四裔

七

以禮其俗男女有別以大鳥羽送死其意欲使死者飛  
揚國出鐵韓滅倭皆從取之諸市買皆用鐵如中國用  
錢又以供給二郡俗喜歌舞飲酒鼓琴瑟其瑟形似筑  
彈之亦有音曲兒生便以石舐其頭欲其匾故辰韓人  
皆匾頭匾音補  
典反男女近倭亦文身便步戰兵仗與馬韓  
同其俗行者相逢皆住讓路晉武帝太康中三來朝貢

### 弁辰

弁辰與辰韓雜居亦有城郭衣服居處與辰韓同言語  
風俗相似祠祭鬼神有異施竈皆在戶西其人形皆長  
大美髮衣服潔清而刑法嚴峻其國近倭故頗有文身

者

夫餘

夫餘國在元菟北千里南與高句麗東與挹婁西與鮮

卑接北有弱水地方二千里本滅地也初北夷索離國

王出行

索或作橐音度洛反

其侍兒於後妊身

妊音人鳩反

王還欲殺

之侍兒曰前見天上有氣大如雞子來降我因以有身

王囚之後遂生男王令置於豕牢

牢圍者

豕以口氣噓之

不死復徙於馬蘭

蘭卽欄也

馬亦如之王以爲神乃聽母收

養名曰東明東明長而善射王忌其猛復欲殺之東明

奔走南至掩虓水

今高麗中有蓋斯水疑此水是也

以弓擊水魚鼈皆

文獻通考

卷一百一十四

四裔

三

聚浮水上東明乘之得度因至夫餘而王之焉於東夷

之域叢爲平敞土宜五穀出名馬赤玉貂豹

納似豹無前足音奴

八大珠如酸棗以員柵爲城有宮室倉庫牢獄其人麤

大彊勇而謹厚不爲寇鈔以弓矢刀矛爲兵以六畜名

官有馬加牛加狗加其邑落皆主屬諸加食飲用俎豆

會同拜爵洗爵揖讓升降以臘月祭天大會連日飲酒

歌舞名曰迎鼓是時斷刑獄解囚徒有軍事亦祭天殺

牛以蹠占其吉凶

魏志曰牛蹠解者爲凶合者爲吉

行人無晝夜好歌

吟音聲不絕其俗用刑嚴急被誅者皆沒其家人爲奴

婢盜一責十二男女淫皆殺之尤治惡妒婦旣殺復尸

於山上兄死妻嫂死則有椁無棺殺人殉葬多者以百數其王葬用玉匣漢時常豫以玉匣付元菟郡王死則迎取以葬焉建武中東夷諸國皆來獻見二十五年夫餘王遣使奉貢光武厚答報之於是使命歲通至安帝永初五年夫餘王始將步騎七八千人寇鈔樂浪殺傷吏民後復歸附永寧元年乃遣嗣子尉仇台詣闕貢獻天子賜尉仇台印綬金綵順帝永和元年其王來朝京師帝作黃門鼓吹角抵戲以遣之桓帝延熹四年遣使朝賀貢獻永康元年王夫台將二萬餘人寇元菟元菟太守公孫域擊破之斬首千餘級至靈帝熹平三年復

文獻通考

卷一百一十五

四裔

十四

奉章貢獻夫餘本屬元菟獻帝時其王求屬遼東云漢末公孫度雄張海東威服外夷夫餘王尉仇台更屬遼東時句麗鮮卑彊度以夫餘在二虜之間妻以宗女尉仇台死簡位居立無適子有孽子麻余位居死諸加共立麻余牛加兄子名位居爲大使輕財善施國人附之歲歲遣使詣京師貢獻魏正始中幽州刺史母邱儉討句麗遣元菟太守王須詣夫餘位居遣犬加郊迎供軍糧季父牛加有二心位居殺季父父子籍沒財物遣使薄斂送官舊夫餘俗水旱不調五穀不熟輒歸咎於王或言當易或言當殺麻余死其子依慮年六歲立以爲

王晉太康六年爲慕容廆所襲破依慮自殺子弟走保沃阻夫餘庫有玉璧珪瓚數代之物傳世以爲寶耆老言先代所賜也魏田曰其國殷富自先世以來未嘗破壞武帝以何龕爲護東夷校尉明年夫餘後王依羅遣使詣龕求率見人還復舊國龕遣督護賈沈以兵送之廆又要之於路沈與戰破之依羅乃得復國爾後每爲廆掠其種人賣於中國帝又以官物贖還禁市夫餘之口自後無聞

倭 卽日本

倭在韓及帶方郡東南大海中依山島爲居去樂浪郡境及帶方郡竝一萬二千里凡百餘國自漢武帝滅朝

文獻通考

卷五百

四裔

五

鮮使驛通於漢者三十許國國主稱王世世傳統其大

倭王居邪馬臺國

按今名邪摩  
維音之訛也

樂浪徼去其國萬二千

里去其西北界拘邪韓國七千餘里其地大較在會稽東冶之東與朱厓儋耳相近故其法俗多同土宜禾稻麻紵蠶桑知織績爲縑布出白珠青玉其山有丹土氣溫暖冬夏生菜茹無牛馬虎豹羊鵠鵠或作雞其兵有矛楯木弓竹矢或以骨爲鏃男子皆黥面文身以其文左右

大小別尊卑之差其男衣皆橫幅結束相連女人被髮

屈髻衣如單被貫頭兩著之竝以丹朱粉身

說文曰切  
塵也音蒲

頓如中國之用粉也有城柵屋室父母兄弟異處唯會

同男女無別飲食以手而用籩豆俗皆徒跣以蹲踞爲  
恭敬人性嗜酒多壽考至百餘歲者甚衆國多女子大  
人皆有四五妻其餘或兩或三女人不淫不妒又俗不  
竊盜少爭訟犯法者沒其妻子重者滅其門族其死停  
喪十餘日家人哭泣不進酒食而等類就歌舞爲樂灼  
骨以卜用決吉凶行來度海令一人不櫛沐不食肉不  
近婦人名曰持衰若在塗吉利則願以財物如病疾遭  
害以爲持衰不謹便共殺之建武中元二年倭奴國奉  
貢朝賀使人自稱大夫倭國之極南界也光武賜以印  
授安帝永初元年倭國王帥升等獻生日百六十人願  
文獻通考

舊唐書

四裔

古

請見桓靈閒倭國大亂更相攻殺歷年無主有一女子  
名曰卑彌呼年長不嫁事鬼神道能以妖惑衆於是共  
立爲王侍婢千人少有見者唯有男子一人給飲食傳  
辭語居處宮室樓觀城柵皆持兵守衛法俗嚴峻自女  
王國東度海千餘里至拘奴國雖皆倭種而不屬女王  
自女王國南四千餘里至侏儒國人長三四尺自朱儒  
東南行船一年至裸國黑齒國使驛所傳極於此矣會  
稽海外有東鯷人鯷音達奚反分爲二十餘國又有夷州及澶州傳  
言秦始皇遣方士徐福將童男女數千人入海事見史記求  
蓬萊神仙不得徐福畏誅不敢還遂止此州世世相承

有數萬家人民時至會稽市會稽東冶縣人有入海行

遭風流移至澶州者所在絕遠不可往來南史倭西

黑眼白裸而醜其肉美行者或射而食之文身國在倭東北七千里人體有文如獸其額上有三文文直者貴

文小者賤土俗歡藥物豐而麗行客不齋糧有屋宇無城郭國王所居飾以金銀珍麗遠屋爲壘廣一丈實以

水銀雨則流於水銀之上市用珍寶犯罪輕者鞭杖死罪則置猛獸食之有枉則獸避而不食經宿則赦之大

漢國在文身國東五千餘里無兵戈不攻戰風俗並與文身國同而言語異倭國有獸如牛名曰山鼠又有大

蛇吞此獸蛇皮堅不可斫其上有孔乍開乍閉時或有光射中之蛇則死矣

魏志曰從帶方郡至倭循海岸水行歷韓國乍南乍

東到其北岸拘邪韓國七千餘里至對海國其大官

曰卑狗副曰卑奴母離所居絕島方可四百餘里土

地山險多深林道路如禽鹿徑有千餘戶無良田食

海物自活乘船南北市糴又南渡一海千餘里名曰

瀚海至一大國官亦曰卑狗副曰卑奴母離方可三

百里多竹木業林有三千許家差有田地耕田猶不

足食亦南北市糴又渡一海千餘里至末盧國有四

千餘戶濱山海居草木茂盛行不見前人好捕鰻魚

水無深淺皆沈沒取之東南陸行五百里到尹都國

官曰爾支副曰泄謨觚柄渠觚有千餘戶世有王百

統屬女王國郡使往來常所駐東南至奴國百里官

曰兜馬觚副曰卑奴母離有二萬餘戶東行至不彌

文獻通考

卷一百一十五

四裔

七

國百里官曰多模副曰卑奴母離有千餘家南至投  
馬國水行二十日官曰彌彌副曰彌彌那利可五萬  
餘戶南至邪馬一國女王之所都水行十日陸行一  
月官有伊支馬次曰彌馬升次曰彌馬獲支次曰奴  
佳鞮可七萬餘戶自女王國以北其戶數道里可得  
略載其餘旁國遠絕不可得詳次有斯焉國次有已  
百支國次有伊邪國次有郡支國次有彌奴國次有  
好古都國次有不呼國次有妣奴國次有對蘇國次  
有蘇奴國次有呼邑國次有華奴蘇奴國次有鬼國  
次有爲吾國次有鬼奴國次有邪馬國次有躬臣國  
次有巴利國次有支惟國次有烏奴國次有奴國此  
女王境界所盡其南有拘奴國男子爲王其官有狗  
古智卑狗不屬女王自郡至女王國萬二千餘里

文獻通考

卷一百一十五

四裔

六

魏景初二年既平公孫氏倭女王遣大夫難升米等詣  
郡求詣天子朝獻太守送詣都乃以金印紫綬封爲親  
魏倭王升難米等並拜中郎校尉假銀印青綬勞賜優  
渥正始元年太守弓遵遣使奉詔書印綬并齎詔賜金  
帛錦縹刀鏡綵物倭王國使上表答謝詔恩其四年復  
遣使上獻生口方物八年太守王頌到官倭女王卑彌  
呼與狗奴國男王卑彌弓平素不和遣使詣郡說相攻

擊狀遣塞晉椽史張政等齎詔告諭之卑彌呼死更立  
男王國中不服更相誅殺復立卑彌呼宗女壹與年十  
三爲王國中遂定壹與遣使送政等還因獻男女生口  
貢白珠青大句珠異文雜錦晉武帝太始初遣使重譯  
入貢安帝時倭王讚遣使人朝貢宋武帝永初二年詔  
曰倭讚遠誠宜甄可賜除授文帝元嘉二年讚又遣使  
奉表獻方物讚死弟珍立遣使貢獻自稱使持節都督  
倭百濟新羅任那奉韓慕韓六國諸軍事安東大將軍  
倭國王表求除正詔除安東將軍倭國王珍又求除正

倭洎等十三人平西征虜寇軍輔國將軍等號詔竝聽

文獻通考

卷一百一十五

四裔

之二十年倭國王濟遣使奉獻復以爲安東將軍倭國  
王二十八年加使持節都督倭新羅任那加羅秦韓慕  
韓六國諸軍事安東將軍如故并除所上二十三人職  
濟死世子興遣使貢獻孝武大明六年詔授興安東將  
軍倭國王興死弟武立自稱使持節都督倭百濟新羅  
任那加羅秦韓慕韓七國諸軍事安東大將軍倭國王  
順帝昇明二年遣使上表言自昔祖彌躬擐甲胃跋涉  
山川不遑寧處東征毛人五十五國西服衆夷六十六  
國陵平海北九十五國王道融秦廓土遐畿累葉朝宗  
不愆於歲道徑百濟裝飾船舫而句麗無道圖欲見吞

臣亡考濟方欲大舉奄喪父兄使垂成之功不獲一簣  
今欲練兵申父兄之志竊自假開府儀同三司其餘咸  
各假授以勸忠節詔除武使持節都督倭新羅任那加  
羅秦韓慕韓六國諸軍鎮東大將軍梁武帝卽位進武  
號征東大將軍陳平至隋開皇二十年倭王姓阿每字  
多利思比孤號阿輩雞彌遣使詣闕上令所司訪其風  
俗使者言倭王以天爲兄以日爲弟天明時出聽政踰  
跌坐日出便停理務云委我弟文帝曰此大無義理於  
是訓令改之王妻姓雞彌沒官有女六七百人名太子  
謂利歌彌多弗利無城郭內官有十二等一曰大德次  
文獻通考

卷一百一十五

四裔

十

小德次大仁次小仁次大義次小義次大禮次小禮次  
大智次小智次大信次小信員無定數有軍尼一百二  
十人猶中國牧宰八十戶置一伊尼翼如今里長也十  
伊尼翼屬一軍尼其服飾男子衣裙襦其袖微小屨如  
屨形漆其上繫之脚人庶多跣足不得用金銀爲飾故  
時衣橫幅結束相連而無縫頭亦無冠但垂髮於兩耳  
上至隋其王始制冠以錦綵爲之以金銀鏤花爲飾婦  
人束髮於後亦衣裙襦裳皆有襪纈竹聚以爲梳編草  
爲薦雜皮爲表緣以文皮有弓矢刀稍弩矜斧漆皮爲  
甲骨爲矢鏑雖有兵無征戰其王朝會必陳設儀仗其

國樂戶可十萬俗殺人強盜及姦皆死盜者計贓酬物無財者沒身為奴自餘輕重或流或杖每訊冤獄不承引者以木壓膝或張強弓以弦鋸其項或置小石於沸湯中令所競者探之云理曲者卽手爛或置蛇囊中令取之云曲者卽螫手人頗恬靜罕爭訟少盜賊樂有五絃琴笛男女多黥臂黥面文身沒水捕魚無文字唯刻木結繩敬佛法於百濟求得佛經始有文字知卜筮尤信巫覡每至正月一日必射戲飲酒其餘節略與華同好碁博握稍樛蒲之戲氣候温暖草木冬青土地膏腴水多陸少以小環挂鷓鴣項令入水捕魚日得百餘頭

文獻通考

卷一百一十五

四裔

廿

俗無盤俎藉以榘葉食用手舖之性質直有雅風女多男少婚嫁不取同姓男女相悅者卽爲婚婦入夫家必先跨火乃與夫相見婦人不淫妒死者斂以棺椁親賓就屍歌舞妻子兄弟以白布制服貴人三年殯庶人卜日而瘞及葬置屍船上陸地牽之或以小輿有阿蘇山其石無故火起接天者俗以爲異因行禱祭有如意寶珠其色青大如雞卵夜則有光云魚眼睛也新羅百濟皆以倭爲大國多珍物竝仰之恆通使往來大業三年其王多利思此孤遣朝貢使者曰聞海西菩薩天子重興佛法故遣朝拜兼沙門數十人來學佛法國書曰日

出處天子致書日沒處天子無恙云云帝覽不悅謂鴻臚卿曰夷書有無禮者勿復以聞明年上遣文林郎裴世清使倭國度百濟行至竹島南望耽羅國經都斯麻國迴在大海中又東至一支國又至竹斯國又東至秦王國其人同於華夏以爲夷洲疑不能明也又經十餘國達於海岸自竹斯國以東皆附庸於倭倭王遣小德何輩臺從數百人設儀仗鳴鼓角來迎後十日又遣大禮奇多訛從二百餘騎郊勞既至彼都其王與世清來貢方物此後遂絕唐太宗貞觀五年遣使入朝帝矜其遠詔有司無拘戍貢遣新州刺史高仁表往諭與王爭

文獻通考

卷一百一十五

四裔

世

禮不平不肯宣詔而還久之更附新羅使者上書永徽初其王孝德卽位改元白雉獻琥珀碼碯時新羅爲高麗百濟所暴高宗賜璽書令出兵援新羅未幾孝德死子天豐財立死子天智立明年使者與蝦蟇人偕朝蝦蟇人亦居海島中其使者鬚長四尺許珥箭於首令人戴瓠立數百步射無不中者天智死子天父立死子總符立咸亨元年遣使賀平高麗後稍習夏音惡倭名更號日本使者自言國近日所出以爲名或云日本乃小國爲倭所併故冒其號使者不以情故疑焉又妄夸其國都方數千里南西盡海東北限大山其外卽毛人云

長安元年其王文武立改元曰大寶遣朝臣真人粟田  
貢方物朝臣真人者猶唐尚書也冠進德冠頂有華葩  
四被紫袍帛帶真人好學能屬文進止有容武后宴之  
麟德殿授司膳卿還之文武死子阿用立死子聖武立  
改元曰白龜開元初粟田復朝請從諸儒授經詔四門  
助教趙元默卽鴻臚寺爲師獻大幅巾爲贄悉賞物貨  
書以歸其副朝臣仲滿慕華不肯去易姓名曰朝衡歷  
左補闕儀王友多所該識久乃還聖武死女孝明立改  
元曰天平勝寶大寶十二載朝衡復入朝上元中擢左  
散騎常侍安南都護新羅梗海道更繇明越州朝貢孝

文獻通考

卷一百一十五

四裔

三

明死大炊立死以聖武女高野姬爲王死白璧立建中  
元年使者真人興能獻方物真人蓋因官而氏者興能  
善書其紙似璽而澤人莫識貞元末其王曰桓武遣使  
者朝其學子橘免勢浮屠空海願畱肄業歷二十餘年  
使者高階真人來請免勢等俱還詔可次諾樂立次嵯  
叟次淳和次仁明仁明直開成四年復入貢次文德次  
清和次陽成次光孝直光啓元年其東海嶼中又有邪  
古波邪多尼三小王北距新羅西北百濟西南直越州  
有絲絮怪珍云宋雍熙元年本國僧齋然與其徒五人  
浮海而至獻銅器十餘事并本國職員今年代紀各一

卷齋然衣綠自云姓膝原氏父爲眞連眞連其國五品  
官也齋然善隸書而不通華言問其風土但書以對上  
召見存拊甚厚賜紫衣上聞其國王一姓傳繼臣下皆  
世官因謂宰相曰此島夷耳乃世祚遐遠其臣亦繼襲  
不絕蓋古之道也中國唐季富縣分割梁周五代享歷  
尤促大臣世胃鮮能嗣續可歎也其國多中國典籍齋  
然之來復得孝經一卷越王孝經新義第十五卷皆  
金縷紅羅縹水晶爲軸孝經卽鄭氏註者越王乃唐太  
宗子越王貞新義者記室參軍任希古等撰也齋然又  
求印本大藏經詔給之元二年隨台州寧海縣商人船  
文獻通考

卷一百一十五

四裔

五

物

齋然書曰國中有五經書及佛經白居易集七十卷  
竝得自中國土宜五穀而少麥交易用銅錢文曰乾  
文大寶畜有水牛驅羊多犀象產絲蠶多織絹薄緞  
可愛樂有中國高麗二部四時寒暑大類中國國之  
東境接海島夷人所居身面皆有毛東奧州產黃金  
西別島出白銀以爲貢賦國王以王爲姓傳襲至今  
王六十四世文武僚吏皆世官其年代紀所記云初  
主號天御中主次日天材雲尊其後皆以尊爲號次

天八重雲尊次天忍尊次膽波尊次萬魂尊次利剝  
魂尊次國狹捶尊次角龔魂尊次津舟尊次面重見  
尊次國常立尊次天鑑尊次天萬尊次珠名杵尊次  
伊壯大尊次素戔烏尊次天昭火神尊次正哉吾勝  
連日天押穗耳尊次天彥尊次炎尊次彥瀲尊以上  
凡十三世竝都於筑紫日向宮彥瀲第四子號神  
武天皇自筑紫宮大居入和州彊原宮卽位元年甲  
寅當周僖王時次綏靖天皇次安寧天皇次懿德天  
皇次孝昭天皇次孝安天皇次孝靈天皇次孝元天  
皇次開化天皇次崇神天皇次垂仁天皇次景行天

文獻通考

卷一百一十五

四裔

廿五

皇次城務天皇次仲哀天皇國人言今爲鎮國香椎  
大神次神功天皇開化天皇之曾孫女又謂之息長  
足姬天皇國人言今爲太奈良姬大神次應神天皇  
始於百濟得中國文字今號八番菩薩有大臣號紀  
武內年三百七歲次仁德天皇次履中天皇次反正  
天皇次允恭天皇次安康天皇次雄略天皇次顯宗  
天皇次仁賢天皇次武烈天皇次繼體天皇次安閑  
天皇次宣化天皇次天國排開廣庭天皇亦名銘明  
天皇壬申歲始傳佛法於百濟國當此梁承聖元年  
次達海天皇次用名天天皇有子曰聖德太子年三

歲聞十人語同時解之七歲悟佛法於菩提寺講聖鬢經天兩曼陀羅華當此隋開皇中遣使泛海至中國求法華經次崇峻天皇次推古天皇斂明天皇之女也次舒明天皇次皇極天皇次考德天皇白雉四年律師道照佛法至中國從三茂僧元重授經律論當此永徽四年也次天豐財重日足姬天皇令僧智通等入唐求大乘法相教當此顯慶三年也次天智天皇次天武天皇次持總天皇次文武天皇大寶三年當此長安元年遣粟田真人入唐求書籍律師道慈求經律次阿閉天皇次販天皇次聖武天皇寶龜

文獻通考

卷一百一十五

四裔

廿六

元年遣僧正元昉入朝當此開元四年也次孝明天皇武聖天皇之女也天平勝寶四年當此天寶中遣使及僧入唐求內外經教及傳戒次大炊天皇次高野天皇聖武天皇之女也次白壁天皇遣二僧靈仙行賀入唐禮五臺山學佛法次恆武天皇遣騰元葛野與空海大師及延歷寺僧澄入唐詣天台山傳智者正觀義元和元年也次諾天皇次諾樂天皇次嵯峨天皇次淳和天皇次仁明天皇當此開成會昌中遣僧入唐禮五臺次文德天皇當此大中年次清和天皇次陽城天皇次光孝天皇遣僧宗獻入唐傳教

當此光啓元年也次仁和天皇當此梁龍德中遣僧  
寬建等入朝次醍醐天皇次天慶天皇次封上天皇  
當此周廣順年也次冷泉天皇今爲太上天皇次守  
平天皇卽今王也凡六十四世畿內有山城太和河  
內和泉攝津凡五州共統五十三郡東海道有伊賀  
伊勢志摩張參河遠江駿河伊豆甲斐相模武藏安  
房上總常陸凡十四州共統百二十六郡東山道有  
近江美濃飛驒信濃上野下野陸奥出羽凡八州共  
統百二十二郡北陸道有若狹越前加賀能登越中  
越後佐渡凡七州共統三十郡山陰道有丹波丹後

文獻通考

卷一百一十五

四裔

廿七

徂馬因幡伯耆出雲石見隱岐凡八州共統五十二  
郡小陽道有播磨美作備前備後安藝周防長門凡  
八州共統六十九郡南海道有伊紀淡路河波謬耆  
伊豫土佐凡六州共統四十八郡西海道有筑前筑  
後豐前豐後肥後日向大隅薩摩凡九州共統九十  
三郡又有一枝對馬多祓凡三島各統二郡是謂五  
畿七道凡三千七百七十二鄉四百一十四驛八十  
八萬三千三百二十九課丁課丁之外不可詳見皆  
裔然所記云按隋開皇唐永徽長安天寶元和開成  
史稱遣使來貢與此所記皆同大中光啓龍德及周

廣順中皆嘗遣僧至中國唐書五代史失其傳唐咸亨中及開元二十三年大歷十二年建中元年皆來朝貢其記不載

咸平五年建州海賈周世昌遭風飄至日本凡七年得還與其國人賸木吉至上皆召見之世昌以國人唱和詩來上其詞雕刻膚淺無取後賜裝錢遣還景德元年其國僧寂照八人來朝寂照不曉華言而識文字繕寫甚妙凡問答竝以筆札詔號圓通大師賜紫方袍天聖四年明州言日本國太寧府遣人貢方物而不持本國表詔却之其後亦未通朝貢南賈時有傳其物貨至中文獻通考

卷一百一十五

四裔

廿八

國者熙寧五年有僧誠尋至台州止天台國清寺願畱州以聞詔使赴闕誠尋獻銀香鑪木椀子白琉璃五香水精紫檀琥珀所飾念珠及青色織物綾神宗以其遠人而有戒業處之開寶寺盡賜同來僧紫方袍是後連貢方物而來者皆僧也元豐元年使通事僧仲回來賜號慕化懷德大師明州又言得其國太宰府牒因使人孫忠還遣仲回等貢色段二百疋水銀五千兩州以孫忠乃泛海商客而貢禮與諸國異請自移牒報而答其物直付仲回東歸從之乾道五年附明州綱首進貢方物淳熙三年其國人泛海遭風飄至明州無口食詔給

之又有百人行丐於市至臨安詔守臣支給津遣往明州養贍候有便船發回本國十年七十三人飄至秀州華亭紹熙元年飄至泰州詔見行貨物免抽買船隻物件盡數給還仍給常平米賑恤慶元六年至平江嘉泰二年至定海縣詔竝支給錢米養贍候風便津發回國按倭人自後漢始通中國史稱從帶方至倭國循海水行歷朝鮮國乍南乍東渡三海歷七國凡一萬二千里然後至其國都又言去樂浪郡境及帶方郡竝一萬二千里在會稽東與儋耳相近其地去遼東甚遠而去閩浙甚邇其初通中國也實自遼東而來故其迂回如此至六朝及宋則多從南道浮海入貢及通互市之類而不自北方則以遼東非中國土地故也三朝志雍熙中僧裔然入貢歸國後奉表來謝敘其來則曰望落日而西行十萬里之波濤難盡顧信風而東別數千重之山岳易過何其遠也敘其歸則曰季夏解台州之纜孟秋達本國之郊又何其近也而繼之曰爰逮明春初到舊邑緇素欣待侯伯慕迎然則其國境雖去浙東甚近而其國都則又必半年而後達歟

文獻通考

卷一百一十四

四裔

廿九

文獻通考卷第三百二十五

鄱陽馬端臨貴與著

四裔考二

高句麗

高句麗其先出夫餘王嘗得河伯女因閉於室內爲日所照引身避之日影又逐旣而有孕生一卵大如五升夫餘王棄之與犬豕皆不食棄於路牛馬避之棄如野衆鳥以毛茹之王剖之不能破遂還其母母以物裹置煖處有一男破而出及長字之曰朱蒙其俗言朱蒙者善射也夫餘人以朱蒙非人所生請除之王不聽命之文獻通考

卷三十五

四裔

一

養馬朱蒙私試知其善惡駿者減食令瘦駑者善養令肥夫餘王以肥者自乘瘦者給朱蒙後狩於田以朱蒙善射給一矢朱蒙雖一矢殪獸甚多夫餘之臣又謀殺之其母告朱蒙朱蒙乃與馬達等二人東南走中道遇大水欲濟無梁追者甚衆朱蒙告水曰我是日子河伯外孫今追兵垂及如何得濟於是魚鼈爲之成橋朱蒙得渡魚鼈遂解追騎不得渡朱蒙遂至普述水遇見三人一著麻衣一著納衣一著水藻衣與朱蒙至紇升骨城遂居焉號曰高句麗因以高爲氏其在夫餘妻懷孕朱蒙逃後生子始閭諧及長知朱蒙爲國王卽與母亡

歸之名曰閭達委之國事朱蒙死子如栗如栗死子莫  
來乃并夫餘其地在遼東之東千里南與朝鮮穢貊東  
與沃沮北與夫餘接地方二千里多大山深谷人隨而  
爲居少田業故其俗節於飲食而好修宮室言語法則  
與夫餘同蓋其別種也跪拜曳一腳行步皆走凡有五  
族有消奴部絕奴部順奴部灌奴部桂婁部案今高麗  
五部一曰  
內部一名黃部卽桂婁部也二曰北部一名後部卽絕  
奴部也三曰東部一名左部卽順奴部也四曰南部一  
名前部卽灌奴部也五曰西  
部一名右部卽消奴部也 本消奴部爲王稍微弱後

桂婁部代之其置官有相加對盧沛者古鄒大加古鄒  
大加  
高麗掌賓客之 主簿優台使者阜衣先人漢武帝滅朝

官如鴻臚也

文獻通考

卷一百一十五

四裔

二

鮮以高句麗爲縣使屬元菟賜鼓吹枝人其俗淫皆潔  
淨自燹暮夜輒男女羣聚爲倡樂好祠鬼神社稷靈星  
龍星左角曰天田則農祥  
也辰見祠以牛號曰靈星 以十月祭天大會名曰賽盟

其國東有大穴號隧神亦以十月迎而祭之其公會衣  
服皆錦繡金銀以自飾大加主簿皆著幘如冠幘而無  
後其小加著折風形如弁無牢獄有罪諸加主議便殺  
之沒入妻子爲奴婢其婚嫁皆就婦家生子長大然後  
將還便稍營送終之具金銀財幣盡於厚葬積石爲封  
亦種松柏其人性凶急有氣力習戰鬪好寇鈔沃沮東  
滅皆屬焉自武帝昭帝賜其人以衣幘朝服鼓吹常從

元菟郡受之後稍驕不復詣郡但於東界築小城受之名此城以爲憤溝婁溝婁者高麗名城也王莽初發句麗兵伐匈奴其人不欲行迫遣之皆亡出爲寇盜莽令嚴尤誘高麗侯入塞斬之更名高句麗王爲下句麗侯於是貂人寇邊愈甚光武建武八年遣使朝貢詔復其王號二十三年冬句麗蠶支大加戴升等萬餘口詣樂浪內屬二十五年寇右北平漁陽上谷太原而遼東太守祭彤以恩信招之皆復款塞後句麗王宮生而開曰能視國人懷之及長壯勇數犯邊境和帝時寇遼東太守耿夔擊破之安帝永初五年宮遣使貢獻求屬元菟

文獻通考

卷五

四裔

三

元初五年復與滅貊寇元菟建光元年幽州刺史馮煥

等將兵出塞擊之捕斬渠帥獲兵馬財物宮詐降而潛

遣人攻元菟遼東焚城郭殺軍民發兵救之而貊人已

去夏復與遼東鮮卑八千餘人攻遼隊

遼東縣名

殺略吏人

秋官遂與馬韓滅貊數千騎圍元菟夫餘王遣子將三

萬與州郡并力破之是歲宮死子遂成立元菟太守姚

先上言欲因其喪發兵擊之議者皆以可許之尙書陳

忠曰官前桀黠先不能討死而擊之非義也宜遣弔問

因責讓前罪赦不加誅取其後善安帝從之明年遂成

還漢生口詣元菟降詔曰遂成等桀逆無狀當斬斷菹

醢以示百姓幸會赦令乞罪請降鮮卑滅貊通年寇鈔  
驅掠小民動以千計而裁送數十百人非向化之心也  
自今以後不與縣官戰鬥而自以親附送生口者皆與  
贖直縑人四十匹小口半之遂成死子伯固立其後滅  
貊率服東垂少事順帝陽嘉元年置元菟郡屯田六部  
質桓之閒復犯遼東安平殺帶方令

西安帶方縣  
並屬遼東郡

掠得

樂浪太守妻子建寧二年元菟太守耿臨討之斬首數  
百級伯固降服乞屬元菟云其後王伯固死有二子長  
曰拔奇小曰伊夷模拔奇不肖國人共立伊夷模爲王  
自伯固時數寇遼東又受亡胡五百餘家獻帝建安中

文獻通考

卷一百一十五

四裔

四

拔奇怨爲兄不得立與消奴加各將下戶三萬餘口詣  
公孫康降還住沸流水降胡亦叛伊夷模伊夷模更作  
新國都於九都山下拔奇遂往遼東有子雷句麗國古  
雛交駁位居是也伊夷模死子位宮立以曾祖名宮生  
能開目視長及大果兇虐今王生亦能視句麗呼相似  
爲位似其祖故名之爲位宮宮有勇力便鞍馬魏齊王  
正始三年位宮寇西安平五年幽州刺史毋邱儉將萬  
人出元菟討之戰於沸流位宮敗走儉追至赧岷懸車  
束馬登尤都山屠其所都斬首萬餘級六年毋邱儉復  
討之位宮輕將諸加奔沃沮儉使王頌追之過沃沮千

餘里到肅慎南界刻石紀功又刑丸都銘不耐城而還  
至位宮五葉孫釗晉康帝建元初慕容皝率兵伐之大  
敗單馬奔走皝乘勝追至丸都焚其宮室掠男女五萬  
餘口以歸釗後爲百濟所殺其後慕容寶以句麗王安  
爲平州牧封遼東帶方二國王安始置長史司馬參軍  
官後略有遼東郡至孫高璉東晉安帝義熙中遣長史  
高翼獻赭白馬以璉爲營州諸軍事高麗王樂浪郡公  
宋武踐祚復加璉官少帝時璉遣使貢方物文帝元嘉  
中馮弘爲魏所攻敗奔高麗表求迎接文帝遣使迎之  
并令高麗資送璉不欲弘南襲殺弘其後每歲遣使十  
文獻通考

卷五

四裔

五

六年文帝侵魏詔璉送馬獻八百匹魏太武時璉遣貢  
使相尋歲致黃金二百斤白銀四百斤孝文時璉貢獻  
倍前其報賜亦稍加璉死百餘歲子雲立雲死子安立  
安死子延立延死子成立成死子陽立自東晉宋至於  
齊梁後魏後周其主皆受南北兩朝封爵分遣貢使初  
後魏時置諸國使邸齊使第一高麗次之其國東至新  
羅西渡遼二千里南接百濟北鄰祿靺鞨一千餘里自東  
晉以後其王所居平壤城

卽漢樂浪郡王儉城自爲慕容  
皝來伐後徙國內城移都

此

城亦曰長安城其地後漢時方二千里至魏南北漸徙

才千餘里至隋漸大東西六千里長安城東六里隨山

屈曲南臨沮水城內唯積倉儲器備寇賊至日方入固守王別爲宅於其側不常居之其外復有國內城及漢城亦別都也其國中呼爲三京復有遼東元菟數十城皆置官司以統攝與新羅每相侵奪戰爭不息官有大對盧太大兄太兄小兄竟侯奢烏拙太大使者大使者小使者壽奢翳屬仙人凡十二等分掌內外事其大對盧則以強弱相陵奪而自爲之不由王署置復有內評五事傳薩人皆頭著折風形如弁士人加插二鳥羽貴者其冠曰蘇骨多用紫羅爲之飾以金銀服大袖衫大口綺素皮帶黃革履婦人裙襦加襪書有五經三史三

文獻通考

卷一百一十五

四裔

六

國志晉陽秋兵器與中國略同及春秋校獵王自臨之稅布五匹穀五石游人則三年一稅十人共細布一匹租戶一石次七斗下五斗其刑法叛及謀逆者縛之柱焚而斬之籍沒其家盜則償十倍若貧不能償者以及公私債負皆聽評其子女爲奴婢以償之用刑既峻罕有犯者樂有五絃琴箏篳篥橫吹簫鼓之屬吹蘆以和曲每年初聚戲沮水上王乘腰輿列羽儀觀之事畢王以衣入水分爲左右二部以水石相濺擲喧呼馳逐再三而止俗潔淨自喜尙容止以趨走爲敬拜則曳一腳立多反拱行必插手性多詭伏言辭鄙穢不簡親疏父

子同川而浴共室而寢好歌舞常以十月祭天其公會衣服皆繡金銀以爲飾好蹲踞食用俎凡出三尺馬云本朱蒙所乘馬種卽果下也風俗尙淫不以爲媿俗多游女夫無常人夜則男女羣聚爲戲無有貴賤之節有婚嫁取男女相悅卽爲之男家送豬酒而已無有財聘之禮或有受財者人共恥之以爲賣婢死者殯在屋內經三年擇吉日而葬居父母及夫喪服皆三年兄弟三月初哭泣葬則鼓舞以送之埋訖取死者生時服玩車馬置墓前會葬者爭取而去信佛法敬鬼神多淫祠有神廟二所一曰夫餘神刻木作婦人像曰高登神云文獻通考

卷五十五

四裔

七

是其始祖夫餘神之子竝置官司遣人守護蓋河伯女朱蒙云及隋平陳後湯大懼陳兵積穀爲守拒之策開皇十七年上賜璽書責以每遣使人歲常朝貢雖稱蕃附誠節未盡驅逼秣鞫禁固契丹昔年潛行貨利招動羣小私將弩手巡竄下國豈非意欲不臧故爲竊盜坐使空館嚴加防守又數遣馬騎殺害邊人恆自猜疑密覘消息殷勤曉示許其自新湯得書皇恐將表陳謝會病卒子元嗣文帝使拜元爲上開府儀同三司襲爵遼東公賜服一襲元奉表謝恩并賀祥瑞因請封王文帝優冊爲王明年率秣鞫萬餘騎寇遼四營州總管韋世

沖擊走之帝大怒命漢王諒爲元帥總水陸軍討之下詔黜其爵位時饋運不繼六軍乏食師出臨渝關復遇疾疫王師不振及次遼水元惶懼遣使謝罪上表稱遼東糞土臣元云云上乃罷兵待之如初元亦歲遣朝貢煬帝嗣位天下全盛高昌王突厥啓民可汗竝親詣闕貢獻於是徵元入朝元懼藩禮頗闕大業七年帝親征高麗車駕度遼水止營於遼東地分道出師各頓兵於其城下高麗出戰多不利皆嬰城固守帝命諸軍攻之又敕諸將高麗若降卽宜撫納不得縱兵入城城將陷賊輒言請降諸將奉指不敢赴機先馳奏比報賊守禦文獻通考

卷五十五

四裔

八

亦備復出拒戰如此者三帝不悟由是食盡師老轉輸不繼諸軍多敗績乃班師是行也唯於遼水西拔賊武屬邏置遼東郡及通定鎮而還元年帝復親征敕諸軍以便宜從事諸將分道攻城賊勢日蹙會楊元感作亂六軍竝還兵部侍郎斛斯政亡入高麗高麗具知事實盡銳來追殿軍多敗十年又發天下兵會盜賊蜂起所在阻絕軍多失期至遼水高麗亦困弊遣使乞降囚送斛斯政贖罪帝許之頓懷遠鎮受其降仍以俘囚軍實歸至京師以高麗使親告太廟因拘畱之仍徵元入朝元竟不至帝更圖後舉會天下喪亂遂不復行唐武德

四年遣使朝貢其國建官有九等其一曰吐粹昨設反舊

名大對盧總知國次日太大兄次鬱折華言主簿次太

大夫使者次阜衣頭大兄東夷相傳所謂阜衣先人者

以前五官掌機密謀政事徵發兵馬選授官爵次大使

者次大兄次收位使者次上位使者次小兄次諸兄次

過節次不過節次先人又有狀古雛加掌賓客比鴻臚

卿以大夫使者爲之又有國子博士太學博士舍人通

事典書客皆以小兄以上爲之又其諸大城置倭薩比

都督諸城置處閭近支比刺史亦謂之道使其武官曰

大模達比衛將軍以阜衣頭大兄以上爲之次末客比

文獻通考

卷五

四裔

九

中郎將以大兄以上爲之其次領千人以下各有差其

國五部皆貴人之族詳見前碣石山在漢樂浪郡遂城縣

長城起於此山今驗長城東截遼水而入高麗遺址猶

存按尙書云夾右碣石入於河古碣石卽河赴海處在今北平郡南二十里則高麗中爲左碣石又平

壤城東北有魯陽山魯城在其上西南二十里有葦山

南臨沮水其大遼水源出秣鞞國西南山南流至安市

小遼水源出遼山西南流與大梁水合大梁水在國西

出塞外西南流注小遼水馬訾水一名鴨綠水水源出

東北秣鞞白山水色似鴨頭故俗名之去遼東五百里

經國內城南又西與一水合卽鹽難水也二水合流西

南至安平城入海高麗之中此水最大波瀾清澈所經  
津濟皆貯大舡其國恃此以爲天塹水濶三百步在平

壤城西北四百八十里遼水東南四百八十里

漢樂浪元菟郡

之地自後漢至魏爲公孫氏所據至淵滅西晉永嘉以  
後復陷入高麗其不耐屯有帶方安市平郭安平居龍  
文城皆漢二郡諸縣則

朝鮮滅貊沃沮之地

又遣使請道教詔沈叔安將天

尊像并道士至其國講五千文開釋元宗自是始崇重

之化行於國有逾釋典其後東部大人蓋蘇文弑其主

高武

其王元在位十八年武元異母弟

立其姪藏爲王自爲莫離支此

官總選兵猶吏部兵部尙書於是號令遠近遂專國命

蘇文鬚甚偉形體魁傑衣服冠履皆飾以金綵身佩五

文獻通考

卷之三

四裔

十

刀常挑臂高步意氣豪逸左右莫敢仰視常令武官貴

人俯伏於地登背上下馬七年二月遣使內附受正朔

請頒歷許之八年三月高祖謂侍臣曰高麗稱臣於隋

終拒煬帝此亦何臣之有朕敬於萬物不欲驕貴但據

土地務共安人何必令其稱臣以自尊大裴矩温彥博

進曰遼東之地周爲太師之國漢家之元菟郡耳魏晉

以前近在提封之內不可許以不臣若以高麗抗禮四

夷必當輕漢且華之與夷猶太陽之與列星理無降尊

乃止貞觀十八年二月太宗謂侍臣曰高麗莫離支賊

殺其主盡誅大臣夫出師弔伐須有其名因其殺君虐

下取之甚易諫議大夫褚遂良進曰兵若渡遼事須剋捷萬一不獲無以威示遠方必更發怒再動兵衆安危難測太宗然之兵部尙書李勣曰近者薛延陀犯邊必欲追擊但爲魏徵苦諫遂止向若討伐無一人生還可五十年閒邊境無事十一月以張亮爲平壤道行軍大總管自萊州泛海趣平壤李勣爲遼東道行軍大總管趣遼東兩軍合勢三十日征遼東之兵集於幽州十九年太宗親征渡遼四月李勣攻拔蓋牟城獲生口二萬以其城置蓋州勣又攻遼東城拔之以其城爲遼州六月攻拔白岳城以其城爲巖州遂引軍次安市城進兵文獻通考

以勵事君者二十一年李勣復大破高麗於南蘇班師至頗利城渡白狼黃岳二水皆由膝以下勣怪二水狹淺問契丹遼源所在云此二水更行數里合而南流卽稱遼水更無遼源可得也旋師之後更議再行二十二年司空房元齡上表切諫乃止帝崩藏遣使者奉慰高宗永徽五年藏以祿靺鞨兵攻契丹爲所敗六年新羅詠高麗祿靺鞨奪二十六城詔營州都督程名振等率師討之至新城敗其師火外郭及墟落引還顯慶三年復遣名振率薛仁貴攻之未能克後二年天子已平百濟乃命大將軍契苾何力蘇定方劉伯英率諸將出沮江遼

文獻通考

卷三十五

四裔

十五

東平壤道討之龍朔元年大募兵帝欲自行蔚州刺史李君球言高麗小醜何至傾中國事之有如旣滅必發兵以守少發則威不振多發則人不安是天下疲於轉輸臣謂征而滅之不如勿滅帝乃止不行八月定方破虜兵於沮江奪馬邑出遂圍平壤明年龐孝泰以嶺南兵壁蛇水蓋蘇文攻之舉軍沒定方解而歸乾封元年藏遣子男福從天子封泰山還而蓋蘇文死子男生代爲莫離支與弟男建男產相怨男生據國內城遣子獻誠入朝求救蓋蘇文弟淨土亦請割地降乃詔契苾何力爲遼東道安撫大使龐同善高侃爲行軍總管薛仁

貴李謹行殿而行九月同善破高麗兵男生率衆相會  
詔以李勣爲遼東道行軍大總管兼安撫大使與契苾  
何力龐同善并力詔獨孤卿雲由鴨綠道郭待封積利  
道劉仁願畢列道金待問海谷道竝爲行軍總管受勣  
節度轉燕趙食脣遼東明年正月勣引道次新城合諸  
將謀曰新城賊西鄙不先圖餘城未易下遂壁西南山  
臨城城人縛戍酋出降勣進拔城十有六郭待封以舟  
師濟海趨平壤三年二月勣率仁貴拔夫餘城他城三  
十皆納款同善侃守新城男建遣兵襲之仁貴救臨戰  
全山不勝高麗鼓而進銳甚仁貴橫擊大破之斬首五  
文獻通考

卷五

四裔

三

萬級拔南蘇木氏蒼嶺三城引兵略地與勣會侍御史  
賈言志計事還帝問軍中云何對曰必克昔先帝問罪  
所以不得志者虜未有釁也今男生兄弟鬩狼爲我向  
道虜之情僞我盡知之且高麗祕記曰不及九百年當  
有八十大將滅高氏自漢有國今九百年勣年八十矣  
虜仍薦飢人相掠賣地震裂狼狐入城蚡穴於門人心  
危駭是行不再舉矣男建以兵五萬襲夫餘勣破之薩  
賀水上斬首五千級俘口三馬器械牛馬稱之進拔大  
行城契苾何力會勣軍於鴨綠拔辱夷城悉師圍平壤  
九月藏遣男產率首領百人樹素幡降且請入朝勣以

禮見而男建猶固守出戰數北大將浮屠信誠遣謀約  
內應五日闔啓兵譟而入火其門男建窘急自刺不殊  
執藏男建等收凡五部百七十六城戶六十九萬詔勦  
便道獻俘昭陵凱而還十二月帝坐含元殿引見勦等  
數俘於庭以藏素習制赦爲司平太常伯男產司宰少  
卿投男建黔州百濟王夫餘隆嶺授獻誠男生等官何  
力勦仁貴各加官有差剖其地爲都督者九州四十二  
縣百復置安東都護府擢酋豪有功者授都督刺史令  
與華官參治仁貴爲都護總兵鎮之總章二年徙高麗  
民三萬於江淮山南太長籍牟岑牟率衆反立藏外孫

文獻通考

卷三十五

四裔

十四

安舜爲王詔高侃東州道李謹行燕山道竝爲行軍總  
管討之遣司平太常伯楊昉綏納亡餘舜殺籍牟岑牟  
走新羅侃徙都護府治遼東州破叛兵於安市敗之泉  
山俘新羅援兵二千李謹行破之發盧河再戰俘馘萬  
計於是平壤夷殘不能軍相率奔新羅凡四年乃平儀  
鳳二年授藏遼東都督封朝鮮郡王還遼東以安餘民  
先編僑內州者皆原遣徙安東都護府於新城藏與裊  
鞬謀反未及發召還放邛州徙其不於河南隴右弱窶  
者畱安東藏以永淳初死贈衛尉卿葬頡利基左舊城  
往往入新羅遣人散奔突厥裊鞬由是高氏君長皆絕

垂拱中以藏孫寶元爲朝鮮郡王聖歷初進左鷹揚衛大將軍更封忠誠國王使統安東舊部不行明年以藏子德武爲安東都督後稍自闕至元和末遣使者獻樂工云唐末中原多事遂自立爲君長後唐同光元年遣使奉貢其王姓高氏名字史失不紀天成中復入貢長興中權知國事王建承高氏之位遣使朝貢以建爲元菟州都督充大義軍使封高麗國王晉天福中來朝貢開運二年建死子武襲位漢乾祐末武死子昭權知國事自周廣順初遣使朝貢以昭爲特進檢校太保使持節元菟州都督大義軍使高麗國後加太師其俗知文

文獻通考

卷一百一十五

四裔

五

晝夜誦書習射又遣使進別敘孝經一卷越王孝經一卷越王孝經新義八卷皇靈孝經一卷孝經雌圖一卷別敘者詔孔子所生及弟子從學之事新義者以越王爲問日以釋疏文之是非皇靈止說延年辟災之事及志符文乃道書雌圖說日之環暈星之擘字災異之應識緯之書皆不經之說也及宋太祖建

隆三年昭遣其廣評侍郎李興祐等來朝貢四年制加食邑賜功臣號開寶五年來貢昭卒其子柚權領國事遣使奉貢請朝命授官封如故太宗卽位遣使加食邑功臣號柚遣國人金行成入就學於國子監其後行成擢進士第歸柚貢奉不絕太平興國七年柚卒其弟治

知國事遣使來貢且請命詔授官封雍熙元年入貢三年出師北伐以其國與契丹接境常爲虜所侵遣監察御史韓國華齎詔諭以出兵大攻先是契丹攻伐女真國路由高麗之界女真意高麗誘導因貢馬來懇於朝且言高麗與契丹結好爲勢援剽掠其民不復放還洎高麗使韓遂齡入貢太宗因出女真所上告急木契示之令歸自本國還其俘治聞之憂懼及國華至令人言於國華曰前歲冬女真馳木契來告稱契丹稱兵入其封境恐當道未知宜預爲備當道與女真雖爲鄰國而路途遐遠彼之情僞素知之矣貪而多詐未足信也其

文獻通考

卷五百

四裔

六

後又遣人來告曰契丹兵騎已濟梅河當道猶疑不實未暇營救俄而契丹雲集大擊女真殺獲甚衆餘族敗散逃遁契丹尾捕及於當道西北德昌德成威化光化之境擒俘而去時契丹遣騎至德米河北呼關城戍卒而告曰女真寇我邊鄙率以爲常今復仇已畢整兵回矣當道雖聞退師猶憂不測遂命僚屬會議安危之計乃以女真避兵來奔二千餘衆資給而遣之女真又勸當道控梅河津要築治城壘以爲防過之備亦以爲然方令行視興工不意女真兇狡變詐潛師奄至殺掠吏民驅虜丁壯沒爲奴隸轉徙鄰番以其歲貢中朝不敢

發兵報怨豈期反相誣構以惑聖聰當道世稟正朔殆將五紀踐修職貢克荷寵靈敢有二心交通外國況契丹介居遼海之外復有大梅小梅二河之阻女真渤海本無定國從何徑路以通往復日月至明諒垂照鑑聞者女真逃難之衆罔不存恤亦有授以官秩尙在本國其職居高者有物屈尼於等十數人欲望召赴京闕與當道入貢之使庭辯其事則丹石之誠庶幾昭雪國華諾之命發兵西會治遷延未卽奉詔國華屢督之得報發兵乃還十月遣使朝貢又遣本國學生崔罕王彬詣國子監肄業端拱二年來貢復遣僧如可來覲請釋氏文獻通考

大藏經詔給之四年詔遣陳靖等使其國加治檢校太師仍存問軍吏耆老靖等自東牟趣八角海口得高麗使白恩柔所乘海船及高麗水工登舟自芝岡島順風泛大海再宿抵襄津口登陸行百六十里抵高麗之境曰海州又百里至閭州又四十里至白州又四十里至其國治迎使於郊盡藩臣之禮延畱靖等七十餘日饋遺甚厚附表稱謝先時詔賜高麗賓貢進士王彬崔罕等及第授以官遣歸本國治復附表謝又上言願賜版本九經用敦儒教詔從之五年六月遣使元郁來乞師懇以契丹寇境朝廷以夷狄相攻固其常北鄙甫寧不

可輕動干戈爲國生事但回詔慰撫厚賜其使遣還自是受制於契丹朝貢中絕治卒弟誦立嘗遣兵校徐遠來候朝廷德音遠久不至咸平三年其臣吏部侍郎趙之遴命牙將朱仁詔至登州偵之州將以聞上特召見仁詔仁詔因自陳國人思慕皇化爲契丹羈制之狀乃賜誦鈿函詔一道令仁詔齎還六年誦使戶部郎中李宣來謝恩且言晉割燕薊以屬契丹遂有路趣元菟屢來攻伐求取不已乞王師屯境上爲割制詔書優答之誦卒弟詢權知國事先是契丹旣襲高麗遂築六城曰興化曰鐵州曰道州曰龍州曰龜州曰郭州於境上契文獻通考

卷五

四裔

六

三五千有州軍百餘置十路轉運司統之每州管縣五六小者亦三四每縣戶三四百國境南北千五百里東西二千里軍民雜處隸軍者不黥面方午爲市不用錢第以布米貿易民家器皿悉以銅爲之樂有二品曰庫樂曰鄉樂三歲一試舉人有進士諸科算學每試百餘人登第者不過一二十每正月一日五月五日祭祖禩又正月七日家爲王母像戴之二月望僧俗然燈如中國上元節上巳日以青艾染餅爲盤羞之冠端午有鞦韆之戲士女服尙素地產龍鬚席白礮紙狼尾筆元辭貌恭恪每受宴賜必自爲謝表粗有文采朝廷待之亦文獻通考

卷一百一十五

四裔

九

厚九年辭還賜詢詔書七函襲衣金帶器幣鞞馬及經史歷日聖惠方等元又請錄國朝登科記及所賜御詩以歸從之天禧元年遣使貢方物三年九月登州言高麗進奉使至秦王水口遭風覆舟漂失貢物詔遣內臣撫之十一月其使入見貢錦縵衣褥甲刀鞞馬藥物等又進中布二千匹求佛經一藏詔賜經却布以其覆溺匱乏別賜衣服繪綵明州登州屢言高麗海船有風漂至境上詔令存問給度海糧遣還仍爲著例五年詢遣使來謝恩且言與契丹修好又表乞陰陽地理書聖惠方竝賜之高麗遣其國人金行成康戡肄業國學登進

士第因留仕中朝行成仕至殿中丞通判安州戰歷官知江陰軍江州又知峽越二州京西轉運使加工部郎中俱以能稱既死詔各賜其子補太廟齋郎太常寺奉禮郎云天聖八年詢復遣使貢方物明年辭歸其後絕不通中國者四十三年詢孫徽嗣立是爲文王熙寧二年其國禮賓省移牒福建轉運使羅極云商人黃眞洪萬來稱運使奉密旨令招接通好當國僻居陽谷逸戀天朝祖禰以來梯航相繼蕝爾平壤邇於大遼附之則爲睦鄰疏之則爲勁敵慮邊騷之未息蓋陸襲以靡遑久困羈縻難圖攜貳故違述職致有積年運屬垂鴻禮文獻通考

卷一百一十五

四裔

二十

稽展慶大朝化覃無外度豁包荒謹當遵道遄赴橐街但茲千里之傳恣恐匪重宵之紆眷今以公狀附眞萬西還俟得報音卽備禮朝貢徽又自言嘗夢至華作詩紀其事三年極以聞時議者亦謂可結之以謀契丹帝許焉命極諭以供擬腆厚之意徽遂遣其臣金梯等百十八人來詔待之如夏國使故時遼人往返皆自登州七年遣使言欲遠契丹乞改塗由明州詣闕從之郡縣供頓無舊準頗擾民詔立式頒下費悉官給又以其不通華言恐規利者私與交關令所在禁止徽問遣二府甚厚詔以付市易務售縑帛答之又表求醫藥畫塑之

工以教國人詔羅極募願行者九年以後其使來者多待之浸厚嘗獻伶官十餘輩曰夷樂無足觀止欲潤色國史爾帝以其國尚文每賜書詔必選詞臣著撰而擇其善者所遣使者其書狀官必召赴中書試以文乃遣元豐元年始遣安燾陳睦往使自明州定海絕洋而東既至國人歡呼出迎徽具袍笏玉帶拜受詔與燾睦元禮館之別官標曰順天館言尊順中國如天云徽病乞醫藥二年遣使挾醫往診治徽遣使致謝尋獻日本所造車曰諸侯不貢車服故不敢與土貢同前此貢物至

輒下有司估直償絹萬緡至是命勿復估以萬緡爲定

文獻通考

卷一百一十五

四裔

廿一

數六年徽卒徽在位三十八年治尚仁恕爲東夷良主然猶循其俗王女不下嫁臣庶必歸之兄弟宗族貴臣亦然次子運諫以爲旣通上國宜以禮革故習不從計聞詔明州修浮屠供一月遣使慰奠子順王勳嗣百日卒弟宣王運嗣運仁賢好文內行飭備每買客市書至則潔服焚香對之八年遣其弟僧統來朝求問佛法并獻經像哲宗立遣兩使來奉慰致賀請市刑法文書太平御覽文苑英華詔唯賜文苑英華一書以名馬錦綺金帛報其禮運立四年卒子懷王堯嗣未幾卒叔父雞林公熙嗣位凡數歲使不至元祐四年其王子義天使

僧壽介至杭州祭亡僧言國母使持二金塔爲兩宮壽  
知州蘇軾奏却之熙後避遼主諱改名顯顯性貪吝好  
奪商賈利富室犯法輒久繫責贖雖微罪亦輸銀數斤  
五年復通使賜銀器五千兩七年遣使來獻黃帝鍼經  
請市書甚衆禮部尙書蘇軾言高麗入貢無絲毫利而  
有五害今請諸書與收買金箔皆宜勿許詔許買金箔  
然卒市冊府元龜以歸元符中遣士賓貢徽宗立遣使  
來弔賀崇寧二年詔劉達吳拭往使顯卒子俛嗣貢使  
接踵且士子金瑞等五人入太學朝廷爲置博士政和  
中升其使爲國信禮在夏國上與遼人皆隸樞密院又

文獻通考

卷五

四裔

三

改引伴押伴官爲接送伴賜以大晟燕樂籩豆簠簋尊  
櫺等器至宴使者於獻謨殿中宣和四年俛卒初麗俗  
兄終弟及至是諸弟爭立其相李資深立俛子楷來告  
哀求醫於朝詔使二醫往留二年而歸楷語之聞朝廷  
將用兵伐遼遼兄弟之國存之足爲邊扞女真狼虎爾  
不可交也願二醫歸報天子宜早爲備欽宗立賀使至  
明州御史胡舜陟言高麗靡敝國家五十年政和以來  
人使茂至淮浙之間苦之彼昔臣事契丹今必事金國  
安知其不窺我虛實以報宜止勿使來乃詔留館明州  
而納其贄幣明年始歸國自王徽以降雖通使於我然

受契丹封冊奉其正朔上朝廷及他大書蓋有稱甲子者歲貢契丹至於六而誅求不已常云高麗乃我奴耳南朝何以厚待之遼使至其國尤倨暴館伴及公卿小失意輒行棹箠聞我使至必假他事來覘分取賜物嘗詰其西向修貢事麗人表謝其略曰中國三甲子方得一朝大邦一周天每修六貢契丹悟乃得免其國西南接契丹恃鴨綠江以爲固其東所臨海水清澈下視十丈東南望明州水皆碧王居開州蜀莫郡曰開成府依山置宮立城壁名其山曰神高民居皆茅茨大止兩椽覆以瓦者才十二以新羅爲東州樂浪府號東京百

文獻通考

卷一百一十五

四裔

世

濟爲金州金馬郡號南京南平壤爲鎮州號西京西京最盛總之凡三京四府八牧郡百有十八縣三百九州島三千七百郡邑之小者或止百家男女二百十萬口兵民僧各居其一地寒多山土宜松柏有稅黍麻麥而無秫以稅爲酒少絲蠶匹縑直銀十兩多衣麻苧王出乘車駕牛歷山險乃騎紫衣行前捧護國仁王經以導令曰教曰宣臣民呼之曰聖上私謂曰嚴公妃曰宮主百官名稱階勳功臣檢校頗與中朝相類過御史臺則下馬違者有劾士人以族望相高柳崔金李四姓爲貴種無宦者以世族子爲內侍六衛歲十二月朔王坐

紫門小殿注官外官則付國相有國子監四門學學者六千人貢士三等王城曰王貢郡邑曰鄉貢他國入曰賓貢閒歲試於所屬再試於學所取不過三十四人然後王親試以詩賦論三題謂之簾前重試亦有制科宏詞之目然特文具而已士尚聲律少通經王城有華人數百多閩人因賈舶至者密試其能誘以祿仕或強畱之終身朝廷使至有陳牒麥詆者則取以歸百官以米爲俸皆給田納祿半給死乃拘之國無私田民計口授業十六以上則充軍六軍三衛常畱官府三歲一選

戍西北半歲而更有警則執兵任事則服勞事已復歸

文獻通考

卷一百一十五

四裔

五

農畝王亦有分地以供私用王母妃主世子皆受湯沐田上下以賈販利入爲事日中爲虛用米布貿易地產銅不知鑄錢中國所予錢藏之府庫時出傳玩而已崇寧後始學鼓鑄有海東通寶重寶三韓通寶三種錢然其俗不便也兵器疏簡無強弩大刀崇尚釋教雖王子弟亦常一人爲僧信鬼拘陰陽病不服藥唯呪咀厭勝至親有病不相視殮不拊棺貧者死則露置中野歲以建子月祭天國東有穴號隧神常以十月望日祭之謂之八關齋禮儀甚盛王與妃嬪登樓大張樂宴飲賈人曳羅爲幕至百匹相聯以示富三歲大祭祠徧其封內

因是斂民財而王與諸臣分取之祖廟在國門之外大祭則具車服冕圭親祠王城有佛寺七十區而無道觀大觀中朝廷遣道士往乃立福源院置羽流十餘輩俗不知醫自王俛來請醫後始有通其術者人首無枕骨皆扁側男子巾幘如唐裝婦人髻髻垂右肩餘髮被下約以絳羅賁之簪旋裙重疊以多爲勝男女自爲夫婦者不禁夏月同川而浴婦人僧尼皆男子拜樂聲甚下無金石之音旣賜樂乃分爲左右二部左曰唐樂中國之音也右曰鄉樂其故習也堂上設席升必脫履見尊者則膝行請必跪應必唯其拜無不答子拜父猶半答文獻通考

卷五百

四裔

廿

其禮性柔仁惡殺不屠宰飲食羊豕則包以蒿而燔之刑無慘酷之科唯惡逆及罵父母者斬餘皆杖肋外郡刑殺悉送王城歲以八月慮囚死罪貸流諸島累赦視輕重原之自明州定海便風三日入洋又五日抵墨山入其境過島嶼詰曲礁石閒舟行甚駛值礁則敗七日至禮成江江居兩山閒束以石峽臨激而下號急水門最爲險惡又三日抵岸有館曰碧瀾亭使人由此登陸崎嶇山谷四十餘里乃至其國都云女真在混同江北與高麗僅隔鴨綠一水其初本臣事契丹奴事高麗及其強也高麗反臣事之高宗建炎元年五月卽位卽遣

胡蠡等爲高麗國信使朝廷蓋憂其通金人而金亦以是時遣王樞持冊使高麗則亦憂其爲我用也蠡之回失失書二年詔募能使絕域者浙東路副總管楊應忱應詔請行自言隨侍其父任邊吏熟知虜情高麗女眞路甚徑請身使三韓結雞林以達燕雲三月假刑部尙書往使浙東帥臣翟汝文奏言應忱欺罔君父自爲身謀若高麗辭以大國假道以至燕雲而金人或請問津以窺吳越將何辭以對必致辱命取笑遠夷請毋遣不從六月至高麗見國王楷諭旨楷拜詔已與應忱等對立而議楷曰大國自有山東路何不由登州往應忱曰

文獻通考

卷五百

四裔

廿六

不如貴國最徑第煩國王傳達金國爾三節人止二十人騎皆自齎糧楷有難色已而命其臣傳佾至館中具言金人見造舟將往二浙若引使者至其國異時欲假道至浙何以答之麗人之辭果如汝文所料應忱曰女眞不能水戰佾曰彼常於海道往來況女眞舊臣本國近乃欲令本國臣事之可見強弱居十數日復令其臣崔洪宰等就館議執前說不變館伴使文公仁亦曰往年公仁入貢上國嘗奏上皇金人人面獸心不可相親今十二年矣洪宰曰大朝何不練兵與戰應忱畱高麗六十四日終不奉詔不得已受其拜表而回十月至闕

入對具言其狀上以楷負國恩怒甚尙書朱勝非曰彼與金爲鄰與中國隔海遠近利害甚明此乃曩時待之太厚今安能責報右僕射黃潛善曰若以巨舟載精甲數萬徑造其國彼寧無懼乎勝非曰越海征伐燕山之事可鑑也上怒始霽時開封尹宗澤亦請遣使通高麗令出兵攻賊十一月楷遣其臣尹彥頤入使以禮館待遣回三年八月壬申上謂輔臣曰高麗入貢人使將至聞上皇遣內臣宮女各二人來朕聞之一則以喜一則以悲呂頤浩曰此必金人之意若非彼意此數人雖至高麗高麗必不肯令來於是乃詔止之

詔略曰舉中原之生聚遭強敵

文獻通考

卷五百

四裔

廿七

之震驚既涉境以深深猶稱兵而未已茲移仗衛暫駐江湖如行使之果來恐有司之不戒俟休邊警當問聘期壞晉館以納車庶無後悔閉漢關而謝質非用前規想彼素懷知吾本意汪藻所撰也紹興二年楷遣其臣崔惟清等入貢上引見答以溫詔遣回十二月明州言高麗使將到三年正月詔以法惠寺爲同文館以待其至既而卒不至以入洋風敗舟爲辭議者謂其設詐以侮我也六年持牒官金稚圭至明州朝廷懼其與金人爲閒詔賜銀帛遣之自是不至者二十餘年三十二年三月高麗綱首徐德榮詣明州言本國欲遣賀使守臣以聞侍御史吳芾言高麗與金接壤今兩國交兵其請可疑使其果來恐有意外貽笑夷狄詔止之

時完顏亮將入寇也隆興二年四月明州言高麗入貢  
史不書引見日歷孝光寧三朝使命遂絕慶元間詔禁  
商人博易銅錢入高麗朝廷亦絕之也每麗人之入使  
也明越二郡困於供給騷然不寧既至闕則館遇燕賚  
錫予之費以鉅萬計而饋其主者不預焉我使之行二  
神舟長大數倍戰船費不訾三節官吏糜爵捐廩皆仰  
縣官者甚夥蘇軾言於先朝謂高麗入貢有五害以此  
也惟是國於吳會與東都事體大異昔麗人之來率由  
登萊登萊距梁汴山河之限甚遠也今日三韓直趨四  
明四明距行都限一浙江爾雖自明而麗海道渺瀰中  
文獻用考

卷五

四裔

三

隔洲島凡海中之地大曰洲洲之小者曰島島之小者  
曰嶼隨其大小有千百十家之聚惟無草木而有石者  
曰礁而海深無際曰洋海舟之行觸礁則推入洋則覆  
又有黑風海動之變遇之則天地晦冥波濤鼎沸故舟  
人每委曲避就出急水門至郡山島始謂平達非數十  
日不至也然南北行各遇順風則歷險如夷楊應忱戊  
申之役其回也九月癸未發三韓戊子至明州之昌國  
縣僅六日耳海道之當防如此

按高麗之臣事中朝也蓋欲慕華風而利茂賜耳  
中國之招來高麗也蓋欲柔遠人以飾太平耳國

運中否強胡內侵則聘問之事可以已矣蕝爾島夷昔日蓋臣遼以自存者也今之強暴旣滅遼而有之且薦食中華傾覆神京矣而謂高麗能禦之邪然則楊應枕之行甚無謂也欲倚以求成邪則彼豈能主宋人弭兵之盟欲倚以救難邪則彼豈能效秦伯無衣之賦且當時所遣卑詞祈請之使如傅雱王倫之徒未嘗不得以自達於金也然我使之往也如石沈海彼兵之來也如火燎原卒不得其要領又何煩涉鯨波踐異境假道於三韓以求達邪然雱倫輩之奉使無益也不過徒爲卑屈之辭而不能已其吞噬之謀耳燕雲距江淮數千里其間土地人民城郭固我之封疆以此衆戰犄角牽制彼亦未能保其長驅而必勝也若高麗奉命道應枕以往而金人有假道於虞之謀則揚帆直指吳會更無顧忌矣然則翟汝文所料與王楷所以答使者之語皆忠言至計未可訾也朱丞相言彼與金爲鄰與中國隔海遠近利害甚明此乃曩時待之太厚今安能責報此語固得之然政和之求醫而獻忠謀建炎之肅使而不奉詔則麗人固能報恩而未嘗負恩矣過乎此則難以責之也

文獻通考

卷一百一十五

四裔

三

至於黃潛善之妄言謬計尤其可笑所謂精甲數  
萬既可襲高麗於海外胡爲異時不能以此杭金  
人於維揚邪季布謂樊噲面諛可斬此語潛善可  
以當之

文獻通考

卷一百一十五

四裔

三十一

文獻通考卷三百二十六

鄱陽馬端臨貴與著

四裔考三

豆莫婁

豆莫婁國在勿吉北千里舊夫餘也室婁之東至海方二千餘里其人土著有居室倉庫多山陵廣澤於東夷之域最爲平敞地宜五穀不生五果其人長大性強勇謹厚不寇鈔其君長皆以六畜名官邑落有豪帥飲食亦用豆有麻布衣製類高麗而帽大其國大人以金銀飾之用刑嚴急殺人者死沒其家人爲奴婢性淫尤惡妒者殺之尸於國南山上至腐或言滅貊之地也

百濟

百濟卽後漢末夫餘王仇台之後馬韓五十四國百濟其一也初以百家濟因號百濟後漸强大兼諸小國晉時句驪既略有遼東百濟亦略有遼西晉平

唐柳城北平之間

自晉以後吞併諸國據有馬韓故地其國東西四百里南北九百里南接新羅北距高麗千餘里西限大海處小海之南國西南海中有三島出黃漆樹似小椶樹而大六月取汁漆物器若黃金其光奪目自晉代受蕃爵自置百濟郡義熙中以百濟王夫餘腆爲使持節百濟

舊唐書

四裔

一

諸軍事宋齊竝遣使朝貢授官封其人士著地多下涇  
率皆山居其都治建居拔城王號於羅瑕百姓呼爲韃

吉支夏言竝王也王妻號於陸夏言妃也官有十六品

曰左率曰達率曰恩率曰德率曰柰率曰扞率以上冠飾銀花

將德紫帶施德阜帶固德赤帶季德青帶對德皆黃帶文督皆黃帶武督皆黃帶佐

軍振武克虞皆白帶統兵以達率德率扞率爲之人庶及

餘小城咸分隸焉其衣服男子略同高麗拜謁之禮以

兩手據地爲敬婦人衣似袍而袖微大在室者編髮盤

於首後垂一道爲飾出嫁者乃分爲兩道焉兵有弓箭

刀稍俗重騎射兼愛墳史其秀異者頗解屬文又解陰

文獻通考

卷一百一十五

四裔

二

陽五行用宋元嘉歷以建寅月爲歲首亦解醫藥卜筮

占相之術有投壺博菹等雜戲然尤尙奕碁僧尼寺塔

甚多而無道士賦稅以布絹麻米等婚娶之禮略同華

俗父母及夫死者三年持服餘親則葬訖除之氣候温

煖五穀雜果菜蔬及酒醴肴饌樂器之屬多同於內地

唯無駝驢羸羊鵝鴨等云其王以四仲之月祭天又每

祭歲四祠其始祖仇台之廟大姓有八族沙氏燕氏協

氏音狹解氏真氏國氏木氏葩氏音白國西南人島居者十

五所皆有城邑王餘映卒子餘毗立毗卒子慶代立慶

卒子牟都立都卒子牟大立每王立必遣使詣江南請

命俱授以鎮東大將軍都督百濟諸軍百濟亦遣使稱藩奉貢於魏尋爲高麗所破衰弱累年遷居南韓地梁普通二年王餘隆復遣使奉表稱累破高麗今始與通好隆卒子明嗣北齊時亦通使焉齊亡遣使通周隋開皇初遣使貢方物拜其王餘昌上開府帶方郡公百濟王平陳之歲奉表賀八年遣使入貢屬興遼東之役請爲軍道帝厚其使遣之高麗頗知其事以兵侵其境餘昌卒子餘璋立大業時遣使入貢請討高麗煬帝許之命覘高麗動靜然餘璋內與高麗通和挾詐以窺中國後隋亂貢使遂絕唐武德四年王夫餘璋遣使入貢自文獻通考

新羅所俘亦俾還王不如詔者任王決戰朕將發契丹諸國度遼深入王母後悔永徽六年新羅訴百濟高麗裊鞬取北境三十城顯慶五年乃詔左衛大將軍蘇定方等發新羅兵討之自成山濟海百濟守熊津口定方縱擊虜大敗王師乘潮帆以進趨真都城一舍上虜悉衆拒復破之斬首萬餘級拔其城義慈挾太子隆走北鄙定方圍之次子泰自立爲王率衆圍守義慈孫文思曰王太子固在叔乃自王若唐兵解去如我父子何與左右繼而出民皆從之泰不能止定方令士超堞立幟泰開門降定方執義慈隆及小王演酋長五十八人送文獻通考

卷三

四裔

四

京師平其國五部二十七郡二百城戶七十六萬乃析置熊津馬韓東明金漣德安五都督府擢酋渠長治之命郎將劉仁願守百濟城左衛郎將王文度爲熊津都督九月定方以所俘見詔釋不誅義慈病死贈衛尉卿許舊臣赴臨詔葬孫皓陳叔寶墓左授隆司稼卿文度濟海卒以劉仁軌代之璋從子福信嘗將兵乃與浮屠道琛據周留城反迎故王子夫餘豐於倭立爲王西都皆應引兵圍仁願龍朔元年仁軌發新羅兵往救道琛立二壁熊津口仁軌與新羅兵夾擊之奔入壁爭梁墮溺者萬人新羅兵還道琛保仁孝城自稱領軍將軍福

信稱霜岑將軍告仁軌曰聞唐與新羅約破百濟無老  
儒皆殺之畀以國我與其受死不若戰仁軌遣使齎書  
答說道琛倨甚館使者於外嫚報曰使人官小我國大  
將禮不當見徒遣之仁軌以衆少乃休軍養威請合新  
羅圖之福信俄殺道琛并其兵豐不能制二年七月仁  
願等破之熊津拔支羅城夜薄眞峴比明入之斬首八  
百級新羅餉道乃開仁願請濟師詔右威衛將軍孫仁  
師爲熊津道行軍總管發齊兵七千往福信顓國謀殺  
王豐率親信斬福信與高麗倭連和仁願已得齊兵士  
氣振乃與新羅王全法敏率步騎而遣劉仁軌率舟師  
文獻通考

卷之三

四裔

五

自熊津江偕進趨周雷城豐衆屯白江口四遇皆克火  
四百艘豐走不知所在僞王子夫餘忠勝忠志率殘衆  
及倭人請命諸城皆復仁願勒軍還雷仁軌代守帝以  
夫餘隆爲熊津都督俾歸國平新羅故憾招還遺人麟  
德二年與新羅王會熊津城刑白馬以盟辭曰往百濟  
先王罔顧逆順不敦鄰不睦親與高麗倭共侵削新羅  
破邑屠城天子憐百姓無辜命行人修好先王負險恃  
遐侮慢弗恭皇赫斯怒是伐是夷但興亡繼絕王者通  
制故立前太子隆爲熊津都督守其祭祀附仗新羅長  
爲與國結好除怨恭天子命永爲藩服右威衛將軍魯

城縣公仁願親臨厥盟有貳其德興師動衆明神監之  
百殃是降子孫不育社稷無守世世毋敢犯乃作金書  
鐵券藏新羅廟中仁願等還隆畏衆攜散亦歸京師儀  
鳳時進帶方郡王遣歸藩是時新羅強隆不敢入舊國  
寄治高麗死武后又以其孫敬襲王而其地已爲新羅  
渤海祿靺所分百濟遂絕

### 新羅

新羅魏時新盧國焉其先本辰韓種也辰韓始有六國  
稍分爲十二新羅其一也

初曰新盧  
或曰斯羅

其國在百濟東南

五百餘里

亦在高麗東南兼有  
漢時樂浪郡之地

東濱大海魏將毋邱儉

文獻通考

卷三百

四裔

六

討高麗破之奔沃沮其後復歸故國畱者遂爲新羅焉  
故其人雜有華夏高麗百濟之屬兼有沃沮不耐韓濊  
之地其王本百濟人自海逃入新羅遂王其國國小不  
能自通使聘苻堅時其王樓寒遣使衛頭朝貢堅曰卿  
言海東之事與古不同何也答曰亦猶中國時代變革  
名號改易今焉得同梁武帝普通二年王姓慕名秦始  
使人隨百濟獻方物其俗呼城曰健牟羅其邑在內曰  
喙評在外曰邑勒亦中國之言郡縣也國有六喙評五  
十二邑勒土地肥美宜植五穀多桑麻果菜鳥獸物產  
略與華同至隋文帝時遣使來貢其王姓金名眞平

隋東

蕃風俗記云金姓相承三十餘葉其王至今亦姓金按梁史云姓慕未詳中間易姓之由文帝拜爲

樂浪郡公新羅王其先附屬於百濟後因百濟征高麗

人不堪戎役相率歸之遂至強盛因襲加羅任那諸國

滅之並三韓之地其西北界犬牙出高麗百濟之閒地多山

險雖與百濟構隙百濟不能圖之無文字刻木爲信語

言待百濟而後通朝服尙白好祠山神八月望日大宴

賚官吏射其庭官以親屬爲上其族第一骨第二骨以

自別兄弟女姑姨從姊妹皆聘爲妻王族爲第一骨妻

亦其族生子皆爲第一骨不娶第二骨女雖娶常爲妾

勝官有宰相待中司農卿太府令凡十有七等第二骨

文獻通考

卷一百一十五

四裔

七

得爲之事必與衆議號和白一人異則罷宰相家不絕

祿奴僮三千人甲兵牛馬豬稱之畜牧海中山須食乃

射息米穀於人償不滿備爲奴婢王姓金貴人姓樸民

無氏有名食用柳杯若銅瓦元日相慶是日拜日月神

男子褐袴婦長襦見人必跪則以手据地爲恭不粉黛

率美髮以繚首以珠綵飾之男子翦髮鬻冒以黑巾市

皆婦女貨販冬則作竈堂中夏以食置水上畜無羊少

驢羸多馬馬雖高大不善行初百濟伐高麗來請救悉

兵往破之自是相攻不置後獲百濟王殺之結怨滋深

唐武德四年王眞平遣使入朝後三年拜柱國封樂浪

郡王新羅王貞觀五年獻女樂二詔歸之眞平卒無子立女善德爲王國人號聖祖皇姑十七年爲高麗百濟所攻使者來乞師會帝伐高麗詔率兵犄角善德使兵五萬人高麗南鄙拔水口域以聞善德卒妹眞德襲王明年遣子文王弟子春秋等來朝因請改章服從中國制內出珍服賜之又詣國學觀釋奠講論高宗永徽元年攻百濟破之遣春秋子法敏入朝眞德織錦爲頌以獻曰巨唐開洪業巍巍皇猷昌止戈成大定興文經百

王統天崇兩施治物體含章深仁諧日月撫運邁時康播旗旣赫赫鉦鼓何鏗鏗外夷違命者翦覆被天殃淳

文獻通考

卷一百一十五

四裔

八

風凝幽顯遐邇競呈祥四時和玉燭七耀巡萬方維岳降宰輔維帝任忠良五五成一德照我唐家唐帝美其意擢法敏太府卿五年眞德死帝與發哀贈開府儀同三司賜綵段三百遣使弔祭以春秋襲王明年百濟高麗祿靺共伐取其三十城使者來請救帝命蘇定方討之以春秋爲靺夷道行軍總管遂平百濟龍朔元年死法敏襲王以其國爲雞林州大都督府授法敏都督咸亨五年納高麗叛略百濟地守之帝怒詔削官爵以其弟右驍衛大將軍仁問爲新羅王自京師歸國詔劉仁軌等發兵討之上元二年二月仁軌破其衆於七重城

以袜鞞兵浮海略南境斬獲甚衆詔李謹行爲安東鎮撫大使屯買肖城三戰虜皆北法敏遣使入朝謝罪貢筐相望仁問乃還辭王詔復法敏官爵然多取百濟地遂抵高麗南境矣置尙良康熊全武漢朔溟九州州有都督統郡十或二十郡有太守縣有小守開耀元年死子政明襲王遣使者朝丐唐禮及佗文辭武后賜吉凶禮及文詞五十篇死子理洪襲王死弟興光襲王元宗開元中數入朝獻果下馬朝霞紬魚牙細海豹皮又獻二女帝曰女皆王姑姊妹違本俗別所親朕不忍畱厚賜還之又遣子弟入太學學經術帝閒賜興光瑞文錦

文獻通考

卷五百

四裔

九

五色羅紫繡紋袍金銀精器興光亦上異狗馬黃金美鬣諸物初渤海袜鞞掠登州興光擊走之帝進興光寧海軍大使使攻袜鞞二十五年死帝尤悼之贈太子太保命使弔祭子承慶襲王邗瑋往使帝詔瑋曰新羅號君子國知詩書以卿惇儒故持節往宜演經誼使知大國之盛又冊其妻樸爲妃承慶死詔使者弔臨以其弟憲英嗣王帝在蜀遣使泝江至成都朝正月大歷初憲英死子乾運立甫卯遣金隱居入朝待命詔遣使弔祭冊命之會其宰相爭權相攻國大亂三歲乃定於是歲朝獻建中四年死國人共立宰相金良相嗣貞元元年

遣使持節命之是年死立良相從父弟敬信襲王十四年死無子立嫡孫俊邕明年遣使持冊未至而邕死子重興立永貞元年遣使冊命後三年使者金力奇來謝且言往歲冊故主俊邕爲王母申太妃妻叔妃而俊邕不幸冊今畱省中臣請授以歸又爲其宰相及王之弟丐門戟詔皆可凡再朝貢七年死彥昇立來告喪遣使弔且冊命新王及妃長慶寶歷間再遣使者來朝畱宿衛彥昇死子景微立太和五年遣使冊弔如儀開成初遣子義琮謝願畱衛見聽明年遣之五年鴻臚寺籍質子及學生歲滿者一百五人皆還之有張保臯鄭年者皆善鬪戰工用鎗年復能沒海履其地五十里不噓其勇健保臯不及也年以兄呼保臯保臯以齒年以藝常不相下自其國皆來爲武寧軍小將後保臯歸新羅謁其王曰徧中國人以新羅爲奴婢願得鎮清海使賊不得掠人西去清海海路之要王與保臯萬人守之自太和後海上無驚新羅人者保臯旣貴於其國年飢寒客連水一日謂戍主馮元規曰我欲東歸乞食於張保臯元規曰若與保臯所負何如奈何取死其手年曰飢寒死不如兵死快況死故鄉那年遂去至謁保臯保臯飲之極歡會聞大臣殺其王國亂無王保臯分兵五千人

文獻通考

卷一百一十五

四裔

十

與年持年泣曰非子不能平禍難年至其國誅反者立王以報王遂召保臯爲相以年代守清海會昌後朝貢不復至後唐同光元年王金樸英遣使來朝貢長興四年權知國事金溥遣使來樸英溥世次卒立史皆失記自晉以後不復至

### 沃沮

東沃在高句麗蓋馬大山之東濱大海而居其地形東北狹西南長可千里北與挹婁夫餘南與濊貊接戶五千無大君王世世邑落各有長帥其言語與句麗大同時時小異漢初燕亡人衛滿王朝鮮時沃沮皆屬焉漢文獻通考

舊唐書

四裔

土

武帝元封三年伐朝鮮殺滿孫右渠分其地爲四郡以沃沮城爲四郡郡後爲夷貊所侵徙郡句麗西北今所謂元菟故府是也沃沮還屬樂浪漢以土地廣遠在單太嶺之東分置東郡都尉治不耐城別主嶺東七縣時沃沮亦皆爲縣漢光武六年省邊郡都尉由此罷其後皆以其縣中渠帥爲縣侯不耐爭麗沃沮諸縣皆爲侯國夷狄更相攻伐唯不耐濊侯至今猶置功曹主簿諸曹皆濊民作之沃沮諸邑落渠帥皆自稱三老則故縣國之制也國小迫於大國之間遂臣屬句麗句麗復置其中大人爲使者使相主領又使大加統責其租稅貊

布魚鹽海中食物千里擔負致之又送其美女以爲婢  
妾遇之如奴僕其土地肥美背山向海宜五穀善田種  
人性質直強勇少牛馬便持矛步戰食飲居處衣服禮  
節有似句麗其葬作大木椁長十餘丈開一頭作戶新  
死者皆假埋之才使覆形皮肉盡乃取骨置椁中舉家  
皆共一椁刻木如生形隨死者爲數又有瓦甕置米其  
中編縣之於椁戶邊魏母邱儉討句麗句麗王宮走沃  
沮遂進師擊之沃沮邑落皆破之斬獲首虜三千餘級  
宮奔北沃沮北沃沮一名置溝藁去南沃沮八百餘里  
其俗南北皆同與挹婁接挹婁乘舡寇鈔北沃沮畏  
之夏月恆在山岳深穴中爲守備冬月冰凍船道不通  
乃下居村落王頡別遣追討宮盡其東界問其耆老海  
東復有人不耆老言國人嘗乘船捕魚遭風見吹數十  
日得一島上有人言語不相曉其俗常以七月取童女  
沈海又言有一國亦在海中純女無男又說得一布衣  
從海中浮出其身如國人衣其兩袖長三丈又得一破  
船隨出在海岸邊有一人項中復有面生得之與語不  
相通不食而死其域皆在沃沮東大海中

挹婁

挹婁云卽古肅慎之國也周武王及成王時皆貢楛矢

文獻通考

卷一百一十五

四裔

七

石柞爾後千餘年雖秦漢之盛不能致也魏常道鄉公景元末來貢獻楛矢石柞弓甲貂皮之屬其國在不咸山北在夫餘東北千餘里濱大海南與北沃沮接不知其北所極廣袤數千里土地多山險車馬不通人形似夫餘而言語各異有五穀牛馬麻布出赤玉好貂無君長其邑落各有大人處於山林之間土氣極寒常爲穴居以深爲貴大家接至九梯好養豕食其肉衣其皮冬以豕膏塗身厚數分以禦風寒夏則裸袒以尺布蔽其前後其人臭穢不潔作廁於中園之而居無文墨以言語爲約坐則箕踞以足挾肉啗之得凍肉坐其上令温

文獻通考

卷一百一十五

四裔

十三

煖土無鹽燒木作灰灌之取汁而食俗皆編髮將嫁娶男以毛羽插女頭女和則持歸然後致禮聘之婦貞而女淫貴壯而賤老死者其日卽葬之於野交木作小椁殺豬積其上以爲死者之糧性凶悍以無憂哀相尙父母死男女不哭泣有哭者謂之不壯相盜竊無多少皆殺之雖野處而不相犯有石柞皮骨之甲國東北有山出石其利入鐵將取之必先祈神其人衆雖少而多勇力處山險又善射弓長四尺力如弩矢用楛長尺八寸青石爲鏃鏃皆施毒中人卽死鄰國畏其弓矢卒不能服也便乘船好寇盜鄰國患之東夷飲食類皆用俎豆

惟挹婁獨無法俗最無綱紀晉元帝初又詣江左貢其石罽至成帝時通貢於石虎四年方達虎問之答曰每候牛馬向西南臥者三年矣是知有大國所在故來焉

勿吉 黑水靺鞨

勿吉國在高麗北一曰靺鞨邑落各有長不相總一其人勁悍於東夷最強言語獨異常輕豆莫婁等國諸國亦患之去洛陽五千里自和龍北二百餘里有善玉山北行三十日至祁黎山又北行七日至洛瑰水水廣里餘又北行十五日至太岳魯水又東北行十八日到其國國有大水濶三里餘名速末水其部類凡有七種其

文獻通考

卷一百一十五

四裔

七

一號粟末部與高麗接勝兵數千多驍武每寇高麗其二伯咄部所粟末北勝兵七千其三安車骨部在伯咄東北其四拂涅部在伯咄東其五號室部在拂涅東其六黑水部在安車西北其七白山部在粟末東南勝兵竝不過三千而黑水部尤爲勁健自拂涅以東矢皆石鏃卽古肅慎氏也東夷中爲強國所居多依山水渠帥曰大莫弗瞞咄國南有從太山者華言太皇俗甚敬畏之人不得山上渡汗行經山者以物盛去上有熊羆豹狼皆不害人人亦不敢殺也地卑溼築土如隄鑿穴以居開口向上以梯出入其國無牛有馬車則步推相與

耦耕土多粟麥稌菜則有葵水氣鹹生鹽於木皮之上  
亦有鹽池其畜多豬無羊嚼米爲酒飲之亦醉婚嫁婦  
人服布裙男子衣豬皮裘頭插虎豹尾俗以溺洗手面  
於諸夷最爲不潔初婚之夕男就女家執女乳其妻外  
淫人有告其夫夫輒殺妻而後悔必殺告者由是姦淫  
事終不發人皆善射以射獵爲業角弓長三尺箭長尺  
二寸常以七八月造毒藥傅矢以射禽獸中者立死煮  
毒藥氣亦能殺人其父母春夏死立埋之冢上作屋令  
不雨溼若秋冬死以其尸餌貂貂食其肉則多得之魏

孝文延興中遣乙力支朝獻大和初又貢馬五百疋乙

文獻通考

卷一百一十五

四裔

五

力支稱初發其國乘船泝難河西上至大瀾河沈船於  
水南出陸行度洛孤水從契丹西界達和龍自云其國  
先破高句麗十落密共百濟謀從水道并力取高麗遣  
乙力支奉使大國謀其可否詔敕三國同是藩附宜共  
和順勿相侵擾乙力支乃還從其來道取得本船泛達  
其國九年復遣使侯尼支朝明年復入貢其傍有大莫  
盧國覆鐘國莫多回國庫婁國素和國具弗伏國匹黎  
國拔大何國都羽陵國庫伏眞國魯婁國羽眞侯國前  
後各遣使朝獻太和十三年勿吉復遣使貢楛矢方物  
於京師七年又遣使人婆非等五百餘人朝貢景明四

年復遣使侯力歸朝貢自此迄於正光貢使相尋爾後中國紛擾頗或不至延興二年六月遣使貢方物至齊朝貢不絕隋開皇初相率遣使貢獻文帝詔其使曰朕聞彼土人勇今來實副朕懷視爾等如子爾宜敬朕如父對曰臣等僻處一方聞內國有聖人故來朝拜既親奉聖顏願長爲奴僕其國西北與契丹接每相劫掠後因其使來文帝誠之使勿相攻擊使者謝罪帝厚勞之令宴飲於前使者與其徒皆起舞曲折多戰鬪容上顧謂侍臣曰天地閒乃有此物常作用兵意然其國與隋懸隔唯粟末白山爲近煬帝初與高麗戰頻敗其衆渠

文獻通考

卷一百一十五

四裔

六

帥突地稽率其部降拜右光祿大夫居之柳城與邊人來往悅中國風請被冠帶帝嘉之賜以錦綺而褒寵之及遼東之役突地稽率其徒以從每有戰功賞賜甚厚十三年從幸江都放還柳城李密遣兵邀之僅而得免至高陽沒於王須拔未幾遞歸羅藝唐武德五年渠長阿固郎始來太宗貞觀二年乃臣附所獻有常以其地爲燕州帝伐高麗其北部反與高麗合高惠眞等率衆援安市每戰秣鞞常居前帝破安市執惠眞奴秣鞞兵三千餘悉阮之開元十年其酋倪屬利稽來朝元宗卽拜勃利州刺史於是安東都護薛泰請置黑水府以部

長爲都督刺史朝廷爲置長史監之賜府都督姓李氏  
名曰獻誠以雲麾將軍領黑水經略使隸幽州都督詔  
帝世朝獻者十五大歷世凡七貞元一來元和中再初  
黑水西北又有思慕部蓋北行十日得郡利部東北行  
十日得窟說部亦號窟說稍東南行十日得莫曳皆部  
又有拂涅虞婁越喜鐵利等部其地面距渤海北東際  
於海西抵室韋南北袤二千里東西千里拂涅鐵利虞  
婁越喜時時通中國而郡利窟說莫曳皆不能自通今  
存其朝京師者附左方拂涅亦稱大拂涅開元天寶間  
八來獻鯨睛貂鼠白兔鐵利開元中六來越喜七來貞  
元中一來虞婁貞觀間再來貞元一來後渤海盛祿靺  
皆役屬之不復與王會矣後唐同光二年黑水兀兒遣  
使來其後常來朝貢自登州泛海出青州明年黑水胡  
獨鹿亦遣使來兀兒胡獨鹿若其兩部酋長各以使來  
而其部族世次立卒史皆失其紀至長興三年胡獨鹿  
死子桃李花立嘗請中國後不復見云

### 渤海

渤海本粟末祿靺附高麗者姓大氏高麗滅率衆保挹  
婁之東牟山地直營州東二千里南北新羅以泥河爲  
境東窮海西契丹築城郭以居高麗遁殘稍歸之唐萬

文獻通考

卷一百一十五

四裔

七

歲通天中契丹盡忠殺營州都督趙翽反有舍利乞乞仲象者與裊鞬會乞乞比羽及高麗餘種東走度遼水保太白山之東北阻奧婁河樹壁自固武后封乞乞比羽爲許國公乞乞仲象爲震國公赦其罪比羽不受命后詔將軍李楷固等擊斬之時仲象已死其子祚榮引殘瘼遯去楷固窮躡度天門嶺祚榮因高麗裊鞬兵拒楷固楷固敗還於是契丹附突厥王師道絕不克討祚榮節并比羽之衆恃荒遠乃建國自號震國王遣使交突厥地方五千里戶十餘萬勝兵數萬頗知書契盡得夫餘沃沮弁韓朝鮮海北諸國中宗時使侍御史張行文獻通考

卷一百一十五

四裔

六

岌招慰祚榮遣子入侍廡宗先天中遣使拜祚榮爲左驍衛大將軍渤海郡王以所統爲忽汗州都督自是始去裊鞬號專稱渤海元宗開元七年祚榮死其國私諡爲高王子武藝立斥大土宇東北諸夷畏臣之私改年曰仁安帝賜典冊襲王并所領未幾黑水裊鞬使者入朝帝以其地建黑水州置長史臨總武藝召其下謀曰黑水始假道於我與唐通異時請吐屯於突厥皆先告我今請唐官不吾告是必與唐腹背攻我也乃遣弟門藝及舅任雅相發兵擊黑水門藝嘗質京師知利害謂武藝曰黑水請吏而我擊之是背唐也唐大國兵萬倍

我與之產怨我且亡昔高麗盛時士三十萬抗唐爲敵  
可謂雄強唐兵一臨掃地盡矣今我衆比高麗三之一  
王將違之不可武藝不從兵至境又以書固諫武藝怒  
遣從兄壹夏代將召門藝將殺之門藝懼讒路自歸詔  
拜左騎衛將軍武藝使使暴門藝罪惡請誅之有詔處  
之安西好報曰門藝窮來歸我誼不可殺已投之惡死  
地并畱使者不遣別詔鴻臚少卿李道邃源復諭旨武  
藝知之上書斥言陛下不當以妄示天下意必殺門藝  
帝怒道邃復漏言國事皆在除而陽斥門藝以報後十  
年武藝遣大將張文休率海賊攻登州帝馳遣門藝發

文獻通考

卷一百一十五

四裔

九

幽州兵擊之使太僕卿全思蘭使新羅督兵攻其南會  
大寒雪袤丈士凍死過半無功而還武藝望其弟不已  
募客入東都狙刺於道門藝格之得不死河南捕刺客  
悉殺之武藝死其國私諡武王子欽茂立改元大興有  
詔嗣王及所領欽茂因是赦境內天寶末欽茂徙上京  
直舊國三百里忽汗河之東詔帝世朝獻者二十九寶  
應元年詔以渤海爲國欽茂王之進檢校太尉大歷中  
二十五來以日本舞女十一獻諸朝貞元時東南徙東  
京欽茂死私諡文王子宏臨早死族弟亢義立一歲猜  
虐國人殺之推宏臨子華璵爲王復還上京改年中興

死諡成王欽茂少子嵩鄰立改元正歷有詔授右驍衛大將軍嗣王建中貞元閒凡四來死諡康王子元瑜立改元承德死諡定王弟言義立改年朱雀竝襲王如故事死諡僖王弟明忠立改年太始立一歲死諡簡王從父仁秀立改年建興其四世祖野野勃祚榮弟也仁秀頗能討伐海北諸部開大境宇有功詔檢校司空襲王元和中凡十六朝獻長慶四寶歷凡再大和四年仁秀死諡宣王子新德蚤死孫彝震立改年咸和明年詔襲爵終文宗世來朝十二會昌凡四彝震死弟虔晃立死元錫立咸通時三朝獻初其王數遣諸生詣京師太學文獻通考

卷五

四裔

五

歸六州越喜故地爲懷遠府領達越懷紀富美福那芝  
九州安遠府領寧鄖慕常四州又鄂銅涑三州爲獨奏  
州涑州以其近涑沫江蓋所謂粟末水也龍原東南瀕  
海日本道也南海新羅道也鴨綠朝貢道也長領營州  
道也夫餘契丹道也俗謂王曰可毒夫曰聖王曰基下  
其命爲教王之父曰老王母太妃妻貴妃長子曰副王  
諸子曰王子官有宣詔省中臺省政堂省有左右相左  
右平章侍中常侍諫議又有左六司忠仁義部右六司  
智禮信部各有郎中員外又有武員左右衛大將軍之  
屬大抵憲象中國之度服章亦有紫緋淺緋綠及牙笏  
文獻通考

卷一百一十五

四裔

三

金銀魚之制餘俗與高麗契丹略等幽州節度府與相  
聘問自營平距京師蓋八千里而遠梁開平元年王大  
謹誤遣王子來貢方物二年三年及乾化二年俱遣使  
來貢後唐同光二年遣王子來朝又遣姪學堂親衛大  
元謙試國子監丞三年及天成元年俱遣使入貢進兒  
口女口先是契丹大首領邪律阿保機兵力雄盛東北  
諸蕃多臣屬之以渤海土地相接常有吞併之志是歲  
率諸蕃部攻渤海國夫餘城下之改夫餘城爲東丹府  
命其子突欲雷兵鎮之未幾阿保機死命其弟率兵攻  
夫餘城不克而還四年及長興二年三年四年清泰二

年三年俱遣使貢方物周顯德元年渤海國烏思羅等  
三十人歸化其後隔絕不通宋太平興國四年太宗平  
晉陽移兵幽州其酋帥大鸞河率小校李勳等十六人  
部族三百騎來降以鸞河爲渤海都指揮使六年賜烏  
舍城浮渝府渤海政府王詔略曰蠢茲北戎犯我封略  
今欲鼓行深入大殲醜類素聞爾國密邇寇讎勢迫併  
吞力不能制因而服屬困於宰割當靈旗破虜之際是  
鄰邦雪憤之日所宜盡出族帳佐子兵鋒俟其翦滅沛  
然封賞幽薊土宇復歸中朝朔漠之外悉以相與勗乃  
協力朕不食言時將率兵大舉北伐故降是詔

文獻通考

卷一百一十五

四裔

三

蝦夷

蝦夷海島中小國也其使鬚長四尺尤善弓矢插箭於  
首令人載之而立數十步無不中者唐顯慶四年十月  
隨倭國使至入朝



